



木厓集卷之二十

七言律五

黃州贈宋牧仲通守

廣平門第本翩翩三十通侯正少年
劇郡倍徵經術重才人誰信簿書賢
褰帷野外萑苻盡輓漕江臯芻粟全莫道
一官憑世胄贊皇相業是家傳

梁苑曾陪執簡賓相門三戟最嶙峋
如何澤國巡行吏却借先皇侍衛臣
宋玉風流需後起子瞻詞賦悟前身
當時二客知誰似或是江湖羈旅人

雨夜王寶臣招同鄭巨源過集卽事賦贈

始與門巷舊烏衣
好客新開白板扉
半放紅梅嫌雀啅
雙垂素幔倩人揮
邀來酒伴拚同醉
誦到詩篇不肯歸
却恠數聲簷溜急
似聞春夜雨霏霏

為憐久客解寒衣
招我移床傍竹扉
說向馬牛憑世法
興

來盧雉儘君揮
愛含飴食呼孫出
思買山錢望女歸

令婿黃攜

宰時為會同令

莫訝殘冬太多雨
歌成白雪已霏霏

寶臣以新咏見示

送高荆珍參軍入覲

長才偶爾佐朱轡
到郡何曾席暫溫
纔報參軍摧鐵壘

甫自

西山凱旋

又隨計吏謁金門
論功定奏天官最
入對應聞長者

言若問楚師宜善
後賜租父老望君恩

聽王寶臣談青峯巖之勝漫賦

客路飄零酒興賒
聽君選勝話烟霞
水行石底流仍出
山立門前翠可遮
秋後栗柴供榻柚
雪中枵樹繞梅花
廿年踪跡曾棲此
恰稱桃源隱者家

大小崎山勝境賒
青峯巖上足雲霞
偶逢文石沙邊見
暗護茅堂樹影遮
是地有泉堪挹水
滿園不種自生花
看君說到幽深處
我欲移來此卜家

贈徐亦史明府

時為黃岡令

卅年詞賦領鄒枚
試割偏饒作吏才
訟牒閒來馴鳥雀
軍儲輓盡憫蒿萊
宦情冷似東坡雪
鄉夢清于鄧尉梅
獨有

南樓猶不減百花深處講堂開

徐吳縣人

君才自足直承廬何不為郎典石渠賦就新篇循吏傳構
成小閣逸人居一尊鮭菜清齋後半榻琴書退食餘我欲
床頭拜詩史竭來非為嘆無魚

寄壽與疎師六十

杖錫歸來二十霜弟兄投老共行藏募成寶殿頭先白定
起空山草自香一部日抄持佛號幾篇詩句挂禪床遙知
舊識諸緇侶魚梵鐘聲禮藥王

蘭若西偏樹影虧山房曾許結茅茨攢眉敢學淵明達煨
芋惟應懶瓚知龕室構成無鉢袋僧徒散盡一沙彌黃州
老布猶堪著憶爾寒燈補衲時

送袁舜玉還歸德兼懷陳簡菴

送客臨岐歲欲闌滿天霜雁白漫漫經過楚地山應少待
到梁園雪未殘長鈇干人同我拙短衣貰酒念君寒谿南
舊識如相訊行路為言此日難

寄懷從祖拙菴公兼呈劉瑞堂太守

十載萍踪五嶺烟依劉仍喜到花田故人夙約知難却舊
地重遊信有緣此去棠陰千騎待向來草檄百蠻傳也須
猛憶家門事莫更栖遲年復年

昔年久客廣州入郡丞劉公幕今劉復拜太守又將

行偕

劉公雅望重南金豈獨交情素所欽并未選錢緣底事偶
然滅火是何心貪泉再飲清逾冽薏苡能明恩始深不是
瀕行復攀挽那由重到曲江濤

劉以廣州丞擢慶陽守被
誣不果行今事雪仍補廣
州

聞劉爾雅除廣昌令却寄

雲中西去是王程美爾分符此建旌二月之官剛望雨十
年乞祿始專城地臨紫塞防兵駐路近黃河候吏迎况有

雁門新太守平生世講最關情

大同高太守
爾雅世好也

桑乾河上水潺湲叱馭遙從薊北還久歷風塵行路熟不
携妻子儼裝閒雲迷絕坂飛狐口雪壓層冰倒馬關頓使
故人遊興冷任君拄笏對香山

赤壁懷古

霸業三分憑赤壁詞人兩賦屬黃州長江不斷千年恨寒
月能傳異代愁檻外殘碑空點畫堂前遺像渺風流祇餘
一片磯頭石曾博東坡與客遊

寄示兒仁樹

臘殘尙擬策歸鞭歲事憑將汝母傳祀竈香燈同祖廟上
墳蘋藻勝賓筵好偕幼弟陳椒酒早向先生送俸錢放學
未應虛講誦明年已是棄繻年

僻巷柴門修葺難茅齋洒掃未應寬纔移芍藥須防護新

長負管莫斷殘散學休尋頑友戲登堂常問老親安仲謀
致遠憐渠小爆竹階前仔細看仲謀致遠
兩小兒名

王寶臣得古鏡土中賦詩索和次韻答之

雙龍蟠就古銅花亂後多應出內家照去幾經迎曉日粧
成誰與折春葩也隨冷艷歸黃土尙有斑文染碧霞高士
鬚眉堪對汝莫同釵釧鬪鉛華

立春日東何道岑太守

纔聞朱鷺鏡歌徧忽報青陽斗柄新官閣梅花剛滿路雪
堂水譽本無塵東風一夜回寒谷大市于今見醉人應有
餘波及羈旅安仁鬚髮也生春

立春日值坡公初度何牧五携酒赤壁醉之限春字

壺觴歲歲拜詞人

牧五在黃歲舉
酒醉坡公初度

却喜今年景物新風暖

恰回芳草色雀飛剛值昔年晨莫吹葭管還吹笛欲薦椒

漿且薦辛記得寓黃經幾稔可曾逢著一迴春

次韻和王寶臣同飲劉虞三紅梅花下看余山人寫

山水作

殘年人事任紛紛携手看花且樂群檻外紅粧窺馬帳窻

前白練寫羊裙風生檀板歌偏好

聽余山人
度曲

香入椒盤酒倍

芬忽憶故園桐樹下十分春色減三分

紅梅在桐樹側吾
家亦有此今夏梅

忽仆
矣

次韻和王寶臣立春日傷隣家伐柳之作

爲愛垂楊願結隣一枝分得兩家春
卽看嫩縷搓成線忍把長條砍作薪
翠汁可堪貽逸老纖腰無復鬪佳人
幽居自有梅和竹不用淒涼漫愴神

寄壽陳樂峰封翁六十

先生意氣似元龍投老林泉手種松
雒下耆英推舊德太丘家學擅儒宗
宮衣早戲庭前綵佛果時聽野外鐘
莫向鹿門思采藥少年天子正臨雍

倪南蔭向許以粵中生香家園藜杖見贈未果今卽
世半載矣藐孤持以貽予愴然有感

曾荷亡友輕相許餽我生香與杖藜
香是粵裝畱在匣藜從山徑種成畦
每思爐火閒時爇亦擬林泉險處携
却待孤兒始持贈墓門春草已萋萋

種佛菴卽事贈中素上人

年年觀獲憩禪關出世如君也不閒
爲厭舊基隣野店欲將孤衲挂荒山
編籬成樹桃椿活蓋屋無茅稻草艱
預擬今秋營佛殿不知破得幾人慳

次韻和汪瑤若荷亭詩

聞說新開池畔亭荷花白白竹青青
凭欄一憩風前蝶遶屋群看雨後螢
全讓林泉收暑氣少安牕戶礙春星
何當

倚杖窺玄草坐我滄浪玩八溟

次韻和方還山輓陳子垣嫂夫人

霜帷夜泣每知聞憔悴孤鴻獨叫羣
一歎纏綿纔決絕六年膏火自煎焚
復衣尙憶黔婁被薄襖難存德耀裙
地下若逢荀奉倩好將簪珥助修文

方干赴弔露漫漫袖出詩箋墨未乾
爲挂壁間和淚落倘聞泉路亦心酸
未亡自幸從夫好相見能無念子寒
常恐床頭辜付託和歌容易踐言難

壽楊殿卿揮使

弘農勲爵勒鐘卣榮戟先朝寵遇優
竟未封侯同李廣尙存遺老似楊彪
功成轉漕黃河日望重歸田綠野秋
况有鹿門偕隱約龐家清福卽丹丘

送程立菴學士奉使冊封安南

鳳詔纔賡四牡歌臨軒親遣下鑾坡
珊瑚入貢桐方翦翡翠來巢雁正過
秘閣詞臣新墜節遐方君長舊山河
時平不用標銅柱始信相如勝伏波

一代才名重制科使星臨處待鳴珂
閣門帖子憑揮灑異域碑文儘塌摩
好跨天閑肥苜蓿早沽蠻酒度牂牁
主恩虛席需公等莫到春深瘴癘多

輓祝山

誰遣西風鍛羽翰半生跼踏老儒冠移居祇為從遊衆學

賈其如付託難曾以館俸付僕為賈竟耗去斷酒太嚴終得疾著書將

竣惜猶殘所著竹窻迂話尚未卒業共言絕筆遺詩在寫向空堂掩淚

看

老去婆娑寄此身硯田耕織未全貧異書不厭從子假屢

子借往事偏爭逸史真每與君言無俗諦可憐吾里失詩

人妖狐毒蟒曾何限一問蒼天一愴神

憶昔徜徉桂樹陰草堂瓜李共浮沉手携書卷來相質眼

見鬚眉老未侵從道本初多勝會却逢莊舄獨悲吟今年夏同

汪瑤若飲子家携所著迂話相質及次日見招子病不克赴遂成永訣如何同別汪倫去不

觀容顏直到今

喧市叢中獨閉門授經儘足度晨昏無田不受輸租累好

客時聞學道言詩選千篇親校梓自訂樸巢詩集十卷鈔板行世兒歸萬

里復生孫今嗣流落十餘年始携子婦歸須知身後無他恨滿架藏書欲

斷魂家藏書極富

壽王冕亭學博次鄧顛厓韻

講席虛糜服政年何妨需次暫歸田喜聞烏鵲傳來信時

弟捷于閒引鷓鴣讀倦眠叱馭會調花縣雨聯床猶憶秣

陵烟期君急副蒼生望我已甘心手一編

瀟霍山頭聽玉笙還家不羨步虛聲携來錦字存丘壑買

得茶槍試鼎鑄世法自然松勝菌官田安見秣非杭八州
佇報分陰惜運甓何嘗負士行

甓亭方遊霍歸携
新詩與六茗甚富

次方還山韻贈別徐羽先

五年前憩小齋頭竹雨梧風共此秋別去畱詩人宛在夢
回得句好誰酬披裘偶入襄陽市扶杖還思谷口幽尙憶
茅堂曾信宿湖村何日許同遊

張夢敦新授庶常賦寄志喜

忽傳金馬召鄒枚仙仗初臨曉殿開影動閣黎新視草衣
披宮錦舊栽槐宏詞自合居清秘卓識還應擅史才更羨
銀鈎書法好紫泥斑管待君裁

中秘吾鄉累著聲遭逢稀得似張衡萬幾親御龍顏近

上方

親一命新馳雀髮榮

時有馳封之典

盛世文章堪報主高堂山水

尙怡情期君好展絲綸手莫負深源舊日名

九月晦日同方還山鄧顛厓西山送秋因過荒齋小

飲次還山用顛厓首句韻

游人無計挽秋歸踏遍秋郊秋色微稍喜寒蛩猶不去生
憎社燕輒先飛霜楓欲染青螺髻池水如窺白氎衣野色
明朝應未減不知何故惜殘暉

游人無計挽秋歸悲者常情愛者稀桃李但爭隋苑綵菱
荷誰戀楚臣衣茶香野寺僧原靜竹冷山房雀不肥蠟展

憑君收拾盡一尊重許到柴扉

又次顛厓韻

游人無計挽秋歸白日荒荒烟靄微
落葉一堆楓漸盡摘花滿把菊初肥
幾家茅店寒依郭到處僧寮靜掩扉
不分西風輕作別吟詩今得兩玄暉

荒庭梧葉盡辭柯賴得青青竹影多
宋玉不悲人亦老王

弘有酒客剛過每思闌入者英席可許
同謀安樂窩為約

明年看秋色龍眠深處買山阿

時有買山之約

又次還山韻

游人無計挽秋歸一任荒郊白露晞
紅葉直拚辭樹底黃

花翻欲傍簾幃天邊織女銀河沒
塞上征夫鐵笛非惟有

怨鴻聲不斷雪霜落盡尚依依

游人無計挽秋歸却向西山送夕暉
霜後怯看良夜月風

來誰擣舊時衣筐藏紈扇湘簾密
酒泛羊羔稻蟹稀尚憶

江天秋色好落霞孤鶩一齊飛

自桐城至定陶道中口號

湖田賤賣債全還底事新逋積更艱
為母構樓營木石與兒完室買釵環
情知糶穀徒剜肉預恐干人已厚顏
僕馬蕭蕭風颯颯也隨計吏度間關

時公車諸子偕計北上

鎮日家居不覺寒出門霧雨便濼濼
霑衣未怕行囊濕灑

道聊回塵土乾酒爲力微臨卧酌飯因米惡待饑餐幾番
蚤起天昏黑十月終旬月已殘

舒城城北宗家店十載前曾此問津晝短難容中夜假霧
濃生怕雪天真橋逢獨木頻驚馬路遇雙叉早問人稍喜
僕夫多舊識今宵旅館倍情親

村醪一盞不成酣纔上征鞍又解驂馬倦倍憎行李重僕
痛翻令主人慙防稱暄熱遭風變筭定程途被雨耽一夜
凝寒衾枕凍起看微雪似江南

雪後新晴煖未迴僕夫趁凍已頻催雞啼遠店星猶動鴨
宿沿河夜不回處處土鍋當戶置村村石廟向南開蹇驢
破帽吾憐汝可是山陰訪戴來

馬上連朝耐苦辛祇愁雪夜與霜晨回頭向日寒微撲
面迎風凍欲皴北麥南禾都苦賤居人客子盡言貧家園
若不饑驅迫剪燭圍爐過小春

壽春北去古蒙城極目寒煙一望平爲趁前程泥僕飲怕
差岐路逐商行纔安寢後車夫鬧剛出門時店主爭老大
年華筋力減等閒乞食作長征

客夢頻年不戒裝惟將行止僕夫商沿門餒首拋錢走當
路薑湯駐足嘗飼馬只圖尋小店問人偏喜說他鄉獨憐
道左埋碑碣不許停鞭一審詳

渡得黃河不論錢饑鳥叫雪倍悽然足緣晨冷寧徒步手
爲風龜怕捉鞭到臘爪條青轉脆先春芹菜翠尤鮮白頭
野老能留客不待黃昏已醉眠
游子無端賦北征荒原古戍不勝情麥憑牲踐方經旱楊
隔年椿轉易生每過市城詢土俗喜聞父老說官清明朝
準入陶丘署話盡家園到幾更

劉綸之性之招飲賦贈

劉家兄弟重交親往事因予感慨頻江縣甘棠先世澤尊公
昔爲吾郡望江河橋衰柳舊京春曾僑居秦淮讐書閣上藜猶
在賜第城南宅尙新不是醇醪公瑾似何由一盞便醺人

贈李經伯司理

程門曾忝逐班隨十載神交御今遲官在懶爲司法吏家
貧甘作授經師孟中竿牘何曾見鏡裏粧臺耻再窺時方悼亡
矢不彩筆向來推領袖那知古道照鬚眉

曹熙載招同張龍弼彭鼎若過集却贈

多君兄弟擅才華幾載曾聞大阮誇不有依劉應下榻鼎若

時寓曹宅偶然訪戴便還家偶適曹州聞銜杯似覺風全轉投

轄焉知日已斜尙憶何郎東閣好一鞭容易別梅花曹州何天

咫尺兄弟留信宿
有女郎佐觴

曹允升招飲賦贈

天涯飄泊伴風塵高誼如君復幾人牽犬正忙猶好客時方

嫁女登龍纔遂便留賓酒筍秫稻偏經醉燈剪蓮花不待春

古寺蕭蕭霜月冷且圖數日作比隣尊居距子寓數武

贈李大來先生

半生踪跡隱青門萬石家風晚更敦文獻胷蟠十七史詩
篇力敵五千言老來謝客吟偏王交到忘年道倍尊不是
詞場遇耆舊旅人誰與共晨昏

李大來以詩四章見贈盛稱松聲閣集並及拙草仍

用前韻賦謝

雕虫何敢叩雷門投贈因知友誼敦偏到異鄉多好事不
逢同調肯深言品題僉父騷壇重推許文宣講席尊歸去
庭闈時定省朗吟佳句足晨昏

李吉六以至日微雪見和之什惠示仍用前韻酬之

雪裏袁安不閉門君家慰問意尤敦壺觴又醉賢人酒尊公

大來先生與張龍粥適携酒至敝止詩律兼聞長者言霽色一庭寒漸減風

流二老道原尊興酣欲和陽春句送別禪扉晝已昏

張龍粥以至日無炭詩見寄兼貺酒饌次韻招之

底將壺榼餉寒儒不買烏薪撥火爐雪後恰逢長至好天

涯應念隻身孤歸心怕觸晨鐘起詩思頻呵凍管枯賴得

官齋分獸炭肯來同入醉鄉無

李孟一招同田任衡過集家園卽席賦贈

蚤聞先世領詞壇想見高風古木寒章水家聲仍爛熳先世

自江右濡須遺愛未凋殘尊大父曾任奇書不惜教人無為多善政

冷蕊還期送客看步履最憐三徑好往來再勿費盤餐

次韻和李大來見訪僧舍看瓶中蠟梅之作

莫向空階鬪歲寒一枝斜倚碧琅玕高人載酒饒幽興老

衲焚香許共觀檀口微舒纔有伴冰稜欲放尙無端紙窗

月落朦朧影也作江南烟雨看

燈下觀瓶中梅花

鎮日淒涼傍筆床今宵獨對領幽芳爐烟裊處疑生霧酒

氣衝來暗有香怕汲寒水分硯水頻移踈影近燈光相憐

若不相逢早又伴羅浮幾夜霜

贈何龍圖

閱盡滄桑學隱淪相逢猶憶舊交親圖書細檢身原健婚

嫁初完家始貧一榻每畱徐孺子鹿門常伴謝夫人尊夫人字

懷韞有文名看君投老多清福殘歲過從莫厭頻

次韻和李大來同張龍弼何願如見訪畱飲之作

勝侶頻過掃榻塵共依爐火倍情親傾來栢葉分官醞時官

厨餉寄到梅花感故人方蛟峰觀察話似夜長偏耐久交

如年近樂迎新莫嫌促別為懽少贏得張衡又幾巡楚黃張師

石後至已先
我而歸矣

除夕同馬正誼姑丈守歲

年年長缺向人彈又滯他鄉語夜闌老至愈嫌駒隙迅貧
來翻覺浪遊安夢回子舍屠蘇冷坐到官齋蠟炬殘也當
阿咸同守歲明朝椒酒先春盤先去聲

丁未元日

元日常年多禮數客中獨坐且忘機禪堂叩佛香烟靜鬧
市逢人拜揖稀餛飩謬隨風土變山左元旦食餛飩屠蘇不覺故

鄉非時飲官署獨憐白首嗟行役苦憶斑斕一綵衣

元夜方蛟峰觀察招同吳素夫邛須方世五長參看

燈市上歸飲署中觀劇步素夫韻

纔報春風上碧墀時以十三日立春恰逢元夜賞燈時烟花夾市

迎行馬絃管催聲入酒卮繞座盡疑雲母色徵歌誰賦雪

兒詞醉來獨踏天街月不信山公有接籬

槐廳火樹暮排衙七寶玻璃六幅紗聞道金吾停漏鼓移
來錦障罩雲霞風飄紫袖歌三疊影入青藜動九華客况
最憐人靜後橋頭月落聽悲笳

次韻追和雲姬元夕見懷詩

記得燈宵鬧火城君愁我亦覺愁生懶聽官舍吹長笛早
向僧寮剔短檠是夕方觀察招飲署中張燈演劇予策馬先歸僧舍匹馬獨行衝露

氣孤鴻暗度送寒聲步檐徙倚曾看月似爲離人不肯明
贈百三歲翁趙搗謙先生

幔亭雲氣接西清聊作中原采藥行到處爭迎薊子訓前身應是管公明鶴從緱氏山頭見丹向軒轅日裏成常恐先秋似蒲柳可容肘後學長生

贈郭孚吉孝廉

山左舉鄉榜第五

有道才名本絕倫賦成魯殿果嶙峋仲舒氣象覘三策杜牧文章第一人書重國門京洛紙花明上苑曲江春韋家父子傳經久取次還看接後塵

登岱

玉殿高居聖母宮翠微縹緲下天風雀纔飛處雲俱白鷄未鳴時日已紅我欲騎猊驟太乙誰人倚劍薄蒼穹却看斗大城何在雉堞全浮烟靄中

天門駘蕩俯神臯五色芙蓉萬里高不分竹溪歸李白肯將藤杖學盧敖石根積霰巖常凍樹頂無風松自濤回首可憐黃峴嶺花開處處是櫻桃

手招鸞鶴睇高冥似有雲璈喚客聽河勢北來搖地軸海天東去接滄溟烟籠魯殿千層碧日射齊州數點青幾向雪堆尋舊蹟蒼苔猶護百王銘

晨霞早見樹光圓一片晴空雪後天秩祀虞書傳幾代壇

遺秦時始何年翠摩碧漢青徐迥影落黃河吳楚連不是
經過華嵒下焉知此日是登僊時自歷下至泰安
絕磴盤紆霄漢分到來鐘磬半天聞流澌直下三千丈燔
燎曾傳七十君歇馬傍崖懸臘雪曝經有石煖春雲金泥
玉檢俱陳迹誰繼相如封禪文

累朝封蹟已成荒尙有雲霞覆御床石洞煙迷龍蛻骨芝
田花煖麝畱香磨崖可惜當天寶無字何嘗恕始皇日落
扶筇歸路晚滿山嵐氣濕衣裳

極目中原攬八荒振衣千仞路蒼茫浮雲不斷吳天白殘
夜遙生海氣黃汶水自來還自去傲俸時見亦時藏一從
尼父登臨後收入文章讓子長

平生登眺興悠然此日凌虛信有緣秦媪合膺坤母號秦
松豈藉大夫傳中原山海尊前出下界雲煙杖底懸老我
未逢婚嫁畢徧遊五嶽是何年

携得孤筇不藉扶瑤壇太古憶玄都丈人峰頂雲何定玉
母池邊水未枯洞口幾曾容鳥過林中時覺有僧呼年年
上巳褰芳杜得似今朝被袂無時值上巳日

也乘昏黑謁金門一路丹梯燈火繁盤磴與人橫似蟹攀
藤香客捷如猿瑤華欲採連雲上屐齒頻穿倚樹捫石屋

黃花猶未到何時重與問真源

後石屋黃花洞俱泰山勝境

次韻答方與三見贈

遊子解裝剛雨後，羈人歸思已花前。且畱數日萍蓬跡，同和當時李杜篇。老我渾忘行路苦，因君始憶別離年。預期後會重追溯，記得南池共酒筵。

方甥當時完室賦贈

似將瑞雪訂佳期，梅萼含香正及時。聞道荆釵能咏絮，且移花筆學描眉。阿翁若見應增喜，阿母雖歡不勝悲。辛苦半生今有婦，好調琴瑟捧槃匭。

年少今當嗣續初，鳳簫新迓紫鸞車。四思吾友求佳壻，謬以予言擇魏舒。冢子承桃欣有託，少君始至待何如。相傳博議粧臺就，計日來看爾著書。

吾友馬孔璋壻

丁未雪夜同綏人宿湖南草堂感賦

廿載湖南繞夢思，與君同到話淒其。最憐烏綵悲翁日，猶憶牛衣語婦時。破屋記曾親墜壁，荒田讓與姪扶犁。于今五十纔生子，勺水應須告祖知。

秋荷

次方還山韻

田田踈葉點林塘，獨向寒烟倚淡粧。孫壽欲啼朝露濕，太真初浴晚颼涼。紅裳漸褪猶勻粉，綠扇將收不待霜。祇恐西風搖落後，蕭蕭夜雨怨吳娘。

秋鶯

尚存紅樹挽黃鸝欲別頻啼惜此時日午猶調將澀舌風
淒休踏最高枝花殘上苑知誰戀夢破遼西覺更悲從道
詩腸資鼓吹聽來已似晚唐詩

秋荷

贈還山再次韻

炎威歷盡傍寒塘肯逐葵榴鬪艷粧初日照來還灼燿悲
風偶至覺淒涼晚香尙可紉爲佩墜粉猶堪嚼作霜冷韻
孤情人不識花中合號杜秋娘

秋鶯

好音數徧是黃鸝聽到花殘木落時曉露漫藏芳樹底春
風曾轉上林枝情知鶻馱都無語不分寒蛩獨善悲何必
雙柑始堪賞酬君斗酒報君詩

秋荷

三次韻

西風一夜冷銀塘尙有紅蕖拭薄粧太液池前和露語若
耶溪畔浣紗涼香分桂子同看月白讓蘆花獨耐霜可恠
天邊度牛女幾回淚落采蓮娘

秋鶯

誰把金衣喚阿鸝半年紅紫歇芳時似憐叢桂開同色直
待黃花綻滿枝清嘒欲分蟬噪靜嬌啼不和雁聲悲應嗟
宋玉何多感譜盡人間秋興詩

秋荷

四次韻

金風消息到方塘已見飄零減素粧儂耳四時那可得儂州

有四季荷花延清一賦到今涼宋之問有秋蓮賦滴殘翠蓋經踈

雨粉落青房釀薄霜誰料姮娥秋夜冷玉簪猶贈擣衣娘

王元之詩有姮娥墜玉簪之句

秋鶯

枕簟初涼忽聽鷓鴣夢中猶似早春時莫將楓樹霜凋葉認

作桑條椹滿枝飛過短牆雙柱澀咽殘清露五更悲詞人

不解秋聲好只咏桃紅柳綠詩

摩詰詩有桃紅柳綠之句

秋草 次方還山韻

平蕪如剪遍長隄吹到西風綠不齊霜淨儘容鷹隼疾雨

昏難聽鷓鴣啼池春有夢經年斷野燒無人一望低賴得

窻前生意在肯教桃李獨成蹊

秋燕

珠簾掠尾日頻過水冷銀塘可若何王謝堂前雛漸長昭

陽殿裏妬還多翩飛猶作回波舞絮語如酬折柳歌記取

舊巢泥未落明年春色早婆娑

秋草 再次韻

一片秋容冷大隄淡黃淺綠暗中齊漸同短髮蕭蕭瘦不

分流鶯恰恰啼咽露寒螿吟較濕隨風螢火落還低主人

書帶無情緒借爾扶將菊滿蹊

秋燕

三山海外舊經過欲去其如秋色何領取西風剛一半待
來此雁已無多玉釵空惜深宮樣紅縷誰題怨婦歌未到
秋時猶是客雕梁清晝足婆娑

詠懷詩次方李鄧陳四子韻

年少曾銜風樹悲祇求慈母壽無期承顏不若能承志學
岳母寧且學尼樓閣清閒常誦佛庭闈至樂是論詩荷衣
倘足充萊綵漫許人間甲子知 祝壽母也

卜得先塋傍練湖

先君子歸窆
橫山之麓

三喪未葬尚榛蕪雖然黃

壤終成土畢竟青沙可是珠雀返何年華表沒牛眠到處
夜臺無河山百里猶難徧莫問天台採藥圖 思為先人

卜兆也

耽却兒曹是遠行歸來教子不為名早年空叶維熊夢晚
得彌深舐犢情累世青箱應有託而翁白首已無成但勤
紙筆吾甘老卧聽書堂夜讀聲 訓子也

潦倒交遊一老奴于今宿草渺難求魂依蛟渚論文日

謂射

蛟臺胡子兌即公
方蛟峯象山諸子

淚滴雞壇問字秋

謂聞雞草堂方子
留臧壽平諸子

綠

綺欲調無叔夜黃絲待辨失楊修每當寒雨挑燈坐苦憶
風流在石頭 懷舊也

自分才名惹世疑留將肝膽託心知彈冠結綬緣何事割

席揮金共阿誰穩喫菜根終是福難拋雞肋究無裨惟餘
一卷常來往話到燈殘酒渴時 勵友也

吾黨漸多泉下人遺孤頭角頗殊倫可憐父執情纔見翻
恠兒曹性不馴是事難逃三寸管幾人能駐百年身平生
意氣懷嬰杵忍使西華泣路塵 閔孤也

生平著述幾堪侔說到名山亦可羞爲問多才王短簿何
如博學賈長頭子雲異代須相信玄晏何人肯漫投點檢
奚囊心血在廿年膏晷不曾休 輯所作詩文也

安得山居任杖藜門迎芳草碧萋萋深埋土室依巖穴小
築茅亭跨淺溪雪裏擁爐傾綠蟻春來選樹聽黃鸝支公
死後人情薄萬里橋邊一灤西 思買山也

借得書來不筭癡吾鄉風雅富文詞登朝指佞堯階草在
野懷忠漆室葵自是前人多秘笈非關太史不陳詩按羅
倘盡粉榆勝豈獨丹青李伯時 蒐輯桐詩也

微名敢望太常銘但與藏書夙願成著作豈能驕倚頓窮
愁原不負虞卿千金臺上知無分萬卷樓中寄此生焉得
盡按東觀秘牙籤錦軸舊家聲 思購書也

十載萍蹤怨蒺藜隨風常渡白雲溪曾遊梁苑饒歡會

丙申

遊歸再別南池倍悽悽

丁未遊濟寧痛方蛟峯之變

赤壁山高臨絕壑

甲辰遊 毘陵花發滿前谿

癸卯遊吳下

幾回漫滅懷中刺羞向

朱門拭淚題 紀遊也

邊臣幾載冒風霜上谷興元風土涼棧閣踏殘圖陣沒黃
河歷盡塞垣長檐帷久已歌襦袴短褐曾難蔽衲襠賴得
歸田筋力健詩成吟咏不悲傷 咏方還青也

嶺嶠歸來名更高登車曾許建旌旄十年一劍肝腸冷萬
里孤臣涕淚勞伏几但知工筆槩出門不敢近弓刀滿懷
奇字無人問風雨荒村貫濁醪 咏李芥須也

曾叅帷幄佐綸扉倚馬頻看露布飛白袷歸來無長物玄
纁辭去有先幾苦吟客到歌聲滿厚祿書逢故舊稀一自
北山依墓側手栽松栝漸成團 咏鄧顛厓也

釋褐登朝矢素絲豈期中路願多岐延清已足稱三絕盧
照那須賦五悲薄海峯芳求友日深山煨芋學仙時文章
一代推燕許何況義之又有之 謂令嗣大匡綏四 咏陳越樓也

獨對殘編發浩歌閉門偏值艾張羅憑他當戶鋤蘭茝定
有山中帶薜蘿季野陽秋阿世少汝南月旦觸人多從今
不敢言臧否結伴江頭挂短蓑 自述也

冬懷詩次方還青韻

瀾空又見朔雲稠秋去方知不似秋老至爲誰按馬薦窮
來無計挽羊裘三回節盡三詩送一度梅開一雪酬偏是
夜寒吟較苦燼花敲落滿燈篝

木犀集二十
掃罷庭除木葉乾撐持病骨一凭欄哀鴻帶箭驚心聽饑
雀爭冰冷眼看冬暖幾人知曝背夜長無事當加餐繩牀
鎮日惟高卧自笑能爲管幼安

老大催人易感傷漸題春帖到茅堂心如律管憑灰冷身
似寒柯戀夕陽雪厚敢期蝗盡絕天高且喜雁于將野夫
送歲無他願惟祝年年足稻梁

終年染翰鬪機雲點檢殘篇盡可焚唱和略如王朗讌窮
愁翻爲退之文但能煨芋衡山寺何必鋤瓜漢水濱識得
榮枯都是夢冰心長託歲寒君

齷齪家居又一年誰從白屋起寒烟情知因熱難炊竈尚
擬開春早扣舷來春將有吳越之遊成佛悔教居謝後干人幾見有

王前且煨榾柮鑪中火熟讀南華秋水篇

昨歲曾依荀令香訪馬定陶明府雪埋古寺坐胡牀尋梅難似尋

村酒選句嚴於選佛場寸草夢回思子舍尺書郵到愧元

方方觀察貽書見招當時祇爲饑驅出差澁依然一阮囊

苦寒未忍縱高眠閒把心情語阿宣畫但可觀寬履鼎詩
雖絕好忌狐禪打門莫厭催租吏上塚須乘未雪天辛苦
北堂勤梵誦夜深長跼覺王前

湖海元龍本自雄索居難蔽雨兼風但聞赤鳳皆成怨便
祀黃羊爭送窮八詠何曾偷沈約五噫徒欲反梁鴻閒來

木犀集卷之二十
只任嵇生懶莫怪年華去太忽
有客敲門噪晚鴉休將宦海問京華
忍寒最愛冬青樹醒酒偏宜雪水茶
涼月照來無熱骨凍雲驅去宿誰家
隋宮繒綵知多少難剪天邊六出花
寒封三徑欲求誰正是高齋獨寤時
宿鳥似曾貪入定征鴻亦覺動離思
飽咀宋相梅花賦力砥劉生冰柱詩
一歲涼暄都歷徧此心惟有雪霜知

木犀集卷之二十

終

木犀集卷之二十一

七言律六

次韻酬寄徐電發

把臂猶疑是隔晨秋光欲去已三旬
編蒲好著玄亭草折柳休懷笠澤春
雀署風清堪下榻鹿門酒熟已無巾
狂來分作閒居客采得芳蘭祇自紉

方甥當時年二十入泮詩以勗之

九萬鵬程泮水前吾家宅相爾先鞭
陸機文賦今方作李嶠科名定許傳
舊閱三槐聲久著明秋雙桂色尤妍
阿翁地下應期望莫負慈幃畫荻年

門人楊姬士入泮詩以志喜

年少操觚舊有聲家貧亦得補諸生文章蘇軾猶居次姬士

入泮姓字劉輝未改名曾更名縣試今仍以原名售月旦謬增知己重

冬烘誰議主司明來年此日天香放望爾乘風折取輕

從叔貽孫入泮

司馬箕裘屬我曹喜聞天路獨揮毫玄亭不負傳雄草綏人

庾嶺懸知快鳳毛謂從祖也群從老子憎命達十年識叔是詩

豪紹衣豈獨恢堂構時得全堂已復還望于門自此高

次韻和顛厓語菊

羅衣纔解芰荷香又見籬根傲曉霜簾外新寒誰解護尊

前踈影且相將寧依蘭佩同芳草漫上雲鬟耀寶鐙莫道

鄧家黃白異謂顛厓也潘園秋色正蒼蒼菊有鄧州黃鄧州白二種

三徑蕭條是也非秋風先抱一叢歸看君直欲如人淡招

客安能待蟹肥除却茱萸無酒伴驅回蜂蝶有霜威紛披

猶恐傍人摘為爾局關護萼輝

誰將書信報秦嘉一任踈籬自吐葩千古幾人真晚節半

生薄命似窮花埤雅云花至菊而窮故曰鞠無言底事臨風笑非泣偏

憐帶雨斜畢竟黃裳稱正色漫勞五采鬪鉛華東坡詩坤裳有正色

鞠衣亦令名

幾番搔首悵斜曛剩有孤情獨對君老我不曾酬白眼依

人似欲附青雲乍臨秋水清如許纔到霜天瘦幾分移向
簷楹避寒洎免教松骨暗生筋杜詩雷霆劈長松骨大都生筋

錯將時序憶韶年領略荒村有淡烟傲骨幸存惟雨露嘉

名誤玷是金錢菊有金錢玉錢之名人中祇合稱秋士方外差堪比

瘦權僧善權清癯號瘦權莫向玳筵輕佐酒防他拋擲管絃邊

移來便帶一叢花愛傍書窗竹影斜老圃儘容高士屐寒

郊不駐美人車請看上苑今誰主只有東籬是爾家欲插

滿頭君莫笑安仁雙鬢已生華

隔院風高落木森孤芳只向竹邊尋周遮素壁爲絲幃滿

貯銅瓶卽漢陰愛月預期良夜伴忍冬細訂歲寒心傍人

不識君憐我翻怪狂夫好苦吟

未怕晨風與暮烟叮嚀終日坐籬邊餐英正則猶能賦予向

菊賦有慰菊賦滿把淵明但少錢問去如何聲尙寂狂來不覺語尤

顛君看過眼花何限不及貞芳獨永年菊一名貞芳

次韻和顛厓菊荅

何處秋林放晚香北山山下耐風霜顛厓長源煨芋堪孤對

芥須張翰思尊好並將西渠漢水放臣分雜佩還山鑿坡歸客解

明璫青河陽滿縣花無數也共諸君問老蒼

聞來久識世情非特傍幽棲携手歸舊譜只憐花意淡方

書底愛藥苗肥後先我自安時命甘苦人猶辨等威黃葉

叢中勞見訊短籬亦覺有光輝

潦倒溪邊亦自嘉折殘堪惜未開葩不知佳友誰如我

曾端

伯以菊為佳友

半是隨人說愛花送酒漫教衣盡白登高只許帽

微斜年年木落霜飛候力為西風殿物華

半年生事付殘曛畱得寒香一報君廢圃重逢如舊雨閒

庭獨立送歸雲孤懷雅與三秋合俗尚爭從九日分苦被

豪家驅使徧借君石榻息勞筋

生長籬東不計年繁枝亦解傲風烟采菱女伴空迴櫂賣

藥仙人肯受錢尚喜寒芳君有約誰言招隱我無權

菊為隱逸

花從今欲問棲歸處多在梅邊與竹邊

知君不羨上林花細蕊寒英相並斜耻向荒村搖酒旆特

來高館傍書車拒霜幸作同時客落葉憐他到處家當日

閒居工賦物如何叙不到黃華

金風浙瀝暗蕭森欲采繁英何處尋為傍詩人因傍酒不

宜靈雨却宜陰巧分芍藥千般色

菊有金芍藥等名

直現芭蕉百

轉心誰道玄亭真寂寞夜深猶聽爾行吟

日日西村抹曉烟愁聞嘆息菜畦邊得依吾子如連壁一

任園丁橫索錢老我郊寒兼島瘦憑他劉蹶與羸顛不知

歲月今何許只借君詩暗紀年

方甥乘時完娶詩以勗之

梅花香又到枝頭恰有簫聲引鳳樓預卜良辰猶迨吉早
諧嘉耦想貽謀步趨須識從兄樂婚嫁纔紆阿母憂轉憶
若翁如及見輸他五嶽最先遊

喜汝婦翁爲父執

齊然四

原因中表締良姻藐孤不負床頭

託快婿還期席上珍此日笥裳殊未易百年琴瑟好相親
雞鳴櫛繼尋常事莫忘熊丸荅苦辛

寄贈葉清聞明府

時爲平江令

才人作吏本風流一水輕帆擁上游講學早窺白鹿洞之
官先記岳陽樓百花靜處琴隨鶴二麥肥來劍是牛久矣
知君湛經術著書名擅古南州

長干道上駐行旌勞向交游問姓名我自國門推柱史君
從何處識鯁生焦桐爨罷猶三弄老驥嘶殘尙一鳴此去
京華望鳧舄鷓班佇聽尙書聲

出紫荆關

天險何年鎮朔方出關風物便淒涼河流挾石聲悲壯墻
堡沿山勢渺茫磧草纔青來紫燕邊沙欲白起黃羊我來
五月猶如此愁殺軍城賦早霜

廣昌同吳燕公遊泰山祠聽松濤因過馬氏園登縹
緲樓適劉爾雅明府西郊省耕歸同看亭前芍藥
次韻和爾雅

宦游誰解重耕耘爾獨驅車帶晚曛水操儘嘗邊徼雪爾雅

官塞外凡五載萍踪曾踏岱宗雲子昔年曾登岱今再聽松濤矣風來殿閣涼初

起花滿河陽香四聞漫道仲宣能作賦登樓地主不如君

哭鄧顛厓先生

顛厓先生予三十年老友也捐館之日會予有悼亡

之痛思為詩以寫予哀久之卒未就既讀芥須先生

十九首不禁沈瀾之無從矣因步還山無齋兩先生

後次韻哭之韻雖竟予哀猶未竟也聞還山又有五

十四絕句當再取而和之

東南吾道失津梁便覺霜風颯颯涼海底月沉珠有蛻斗

間氣盡劍無鋒龍歸並不畱鱗爪雀去何心戀稻梁太息

悼亡悲未已又將涕淚灑山陽

狎主蛟臺許代興廿年前先生與予輩有射蛟篇之役操觚肯說竟無憑汝

南人物清流重雒下文章紙價增彈指空花君又逝傷心

碩果我何能胡威宦死方干歿胡栲峰方蛟峰象山皆射蛟老友共占瑤

宮第幾層

交到中流遇險灘門庭寂歷幾任安人皆欲殺扶危少我

盡觀空匿怨難賴有崔公成獨立竟亡鍾子向誰彈篋中

忽檢遺牋在滿紙牢騷不忍看

中年好道頗忘情記得城隅鐘磬清地藏閣六簋畱賓無俗

駕五車載乘即家聲常憂蒲柳先松栢翻使養施弔杜蘅
悟向繩床垂二紀坡公五戒是前生

里隣春罷欲呼天廿載枌榆信有緣長揖軍門資計畫運
籌幕府賴蕃宣芻茭肯許師中老刁斗無驚閭左眠護得
虬松先隴上霜皮鐵幹尚依然

結伴曾登郭外峰西園修竹北園松吟殘烟水停秋屐坐
到霜林吼暮鐘把酒尚憐澆壘塊涉江猶憶采芙蓉雲間
舊侶今俱在點檢惟無陸士龍

幽棲自署曰薑菴愛傍先塋與佛龕終窶不嫌門近北長
貧仍似阮居南泣攀松栢吟皆血醉灑芭蕉墨更酣三徑
祇今蕭瑟甚憑君詩卷鎮伽藍

金石吟聲響華門和歌一出衆咸尊不知慧業成孤往可
有騷壇樹九原社燕欲辭先結舌秋花未放已銷魂曾與予輩

唱和有秋燕語菊諸詩常言鄙句驅愁好那得愁中細討論先生評予詩愁
悶中讀之輒為解頤

將訣何由入夢思祇緣神氣已先之先生二年前有夢識向平家事

區分早元伯心期約略知任達預為營壙計全歸豈作鼓
琴悲所嗟病苦經旬日未補淵明自祭詩

垂髻便上聚星堂落落晨星已十霜方叔才名叢桂盛還山
李侯佳句荔枝香芥須每期竹帛同高密未許登臨少孟陽

執友幾人君又去二毛爭不老潘郎

嶺南曾借宓琴鳴

尊大父宰靈山

奕葉傳書清白聲不獨靈聰如

叔寶兼聞經術比立成誰甘碌碌稱餘子最喜錚錚有二

丁謂先生與九公也

荆樹棠華同萎絕無因竝轡入神京

時有訪求隱逸

之九公亦明經需次

自是封侯骨相殊飽餐霜雪歷崎嶇誰傳阿堵真能手足

抵雲臺幾丈夫便腹一圍儲史籍寒芒三尺照髭鬚呼君

或恐君猶出笙鶴歸來過酒壚

先生有小影絕肖嘗命余題其上

季布程嬰憶昔年一時友諠許誰賢力扶孤稚金傾橐欲

報仇讐劍倚天世亂避人辭束帛

先朝末曾膺徵辟不往

家貧授子

只空羶憐予婦病歸鞭晚問疾猶遺藥裹錢

彩毫又折夢中花說向慈幃也嘆嗟曾為栢舟推晚節更

將松幹寫槎牙盛稱彤管從無敵細數維桑亦有涯

先生嘗評

桐閨秀詩首推吾母松聲閣集又有重葺松聲閣詩

安得丹鉛資鼓吹與君縱目攬

菁華時余將輯龍眠風雅授梓

每信斯人必後傳文章風骨邁前賢高陽一里年皆壽髦

耄雙親胎是仙

尊公年八十二太母今秋稱九十

尚擬尊開香閣下却教

淚墮總帷前悲來豈獨兄兼母大有哀聲在市廛

命山野死計纔通又哭先生秋雨中處士星驚同日隕延

津劍訝一時空陶潛可惜無通子

命山先生無嗣

明允猶欣有長

公謂田公也記取他年傳隱逸有兒書奏建章宮

骨肉凋零易感傷頻年春夢冷池塘翔之倬生九公相繼歿金銀錯

覓殤兒路繡榻愁窺織女筐先生昨歲有愛姪少子之痛執紼幾番嗔

鬼伯搥床今又怨巫陽惟餘白首糟糠在哭向靈幃幾斷

腸

謝庭玉樹足琳琅身後令人想義方負郭良田先業在名

山石室父書藏麻衣苦塊爭觀禮血淚華庚欲補亡昨日

偶從東閣過倍憐最小一兒郎

私謚雖然故舊情肯同朝議等棋枰須如月旦評常定猶

恐春秋法未精貞節得名由太守文中上號是門生報君

兩字懸幽碣直道於今尚可行同人公議私謚文任先生輿情僉協

壽黃雲鏢七十

投老逾教世味忘繩床獨坐禮空王繡成金粟三生夢飯

罷伊蒲一炷香暇口庭嘗授簡新年鴻案共傳觴知君

靜悟無生學免率天中歲月長

次韻寄壽楊士佳

憶到青門高士家于今投刺可盈車文章久已傳亭草姓

字何須傍榜花避世著書惟木榻當階種樹盡蘭芽好將

甲子從頭紀莫遣繁霜上鬢華

美人午睡次韻

日長人倦倚簾櫳
拚取雲鬟片刻髮
斜覆錦衾如半臂
稍開羅帳露雙紅
枕痕印面微生暈
花影當窻却正中
下得牙床猶凭立
茶烟噴不起松風

紫牡丹花開有懷顛厓次還山韻

春深三月牡丹期
凭立花前想昔時
濁酒取澆初放蕊
雕欄教護最繁枝
滴殘朝露千行淚
苦憶長城五字詩
顛厓曾賦

紫牡丹五言十首 一自園林無屐齒
東風不怨到來遲

寥寥數子指心期
君與方干李伯時
別業可憐封蘚徑
好春不共賞花枝
尋芳有約稀遊伴
授簡無心賦艷詩
獨向芙蓉主淡院
秋風誰與慰衰遲

秦虞桓招同齊子念修方甥當時集潭影堂賦贈

潦倒名場祇自知
少年同學半台司
花前命酒延賓日
燈下論文課子時
兩箇草亭消歲月
一簾潭影照鬚眉
閒來細數從游伴
風雨飄零重所思

句曲分携十七年
五人今得幾人全
記甲午秋虞桓與許子石疏李子秀升方

子并公暨予同遊句曲今許李方俱謝世矣 孝標深為諸孤慮
虞桓為言許李諸孤歛歛久之

阿士猶蒙父執憐
井公子當時予甥也 花欲辭春偏爛熳
酒因話舊倍纏綿
他時此會勞追憶
芍藥欄邊雨後筵

送王學博以艱還里

先生以石埭量移吾桐

陵陽講席琢群英
携得春風花滿城
牒進總無干祿意
廬

居剛愜遂初情先生未至桐卽有乞休之請裘披五月瓊原冷權入三

江橐本輕回首舊時絃誦地幾人不媿鄭康成

雨中手錄鄉先輩詩還山以詩見贈次韻奉酬

姚生詩傳海內知將梓忽輟吾滋疑姚經三有龍眠詩傳之刻不果予更為廣

蒐安忍斗邊勃宰氣仍如夔下焦枯時乘此雨天恣冥討

鼓我餘勇來新詩集成長跼乞玄晏碧眼爛爛今波斯

次前韻再呈還山

桐音舉世少人知欲闡幽芳竊自疑古調賴君能共賞前

賢應恨不同時維桑湮沒伊誰責汗簡焜煌豈獨詩倘肯

一人成一傳虞山風烈亦如斯錢虞山列朝詩選各有小傳

雨中再次前韻懷李芥須村居

李生踈放幾人知老至猶招俗眼疑一榻琴書容膝處四

山烟霧皺眉時溝塍屢漲難穿屐屋漏纔乾且賦詩料爾

素堅高卧節雨天何必不如斯

雨中再次前韻懷張夢敦皖上

姓字爭從蕞榜知君身仙骨復何疑泣殘草土廬居後夢

入花磚寓直時滾滾江流懷古意瀟瀟風雨贈人詩用李涉皖

口酒闌若及垂綸客莫說吾儕有項斯留皖

曝亡妻故衣潛然久之感賦

茜紅衫子畫羅裙曝向空庭雨後暄紫玉絛環尋不見黃

金紐扣折猶存香殘尚帶薰爐馥粉褪惟餘舉案痕記得
裁成還懶著牛衣鎮日淚偷吞

將之京師次方還山見送韻卽用畱別

江湖散髮任高眠底獻甘泉賦一篇驥足未容轅下老鶯
聲早占上林先纔浮栢葉傾來酒不待楊枝拗作鞭我有
郇模三十字抗言難到至尊前

燕臺此去足風塵新決黃河早問津雪洗湖山春色淨路
穿齊魯舊遊頻虞翻倘得逢知己阮籍何曾妄笑人獨惜
炊屨無令妹辭家不覺淚盈巾

還山予
內見也

竹溪春水漸潺湲輸爾分題伴客攀鸞鏡雖然塵畧掃蛾

眉久矣筆投閒

來詩云又手客離黃絹
冷画眉郎去綠窻閒

伏生老去尋辭闕

陶令歸來便買山煩語諸君畱片席共傳詩句到人間

又向花前別筍輿半生萍泛少家居蹉跎幕府常懷槩踟
躕王門屢曳裾自是吹竽儒術拙非關結網 聖朝踈此
行小草君知我回首南闈九上書

漫說文章第一流長安冠蓋孰先游親衰空抱慈烏愧兒
病兼懷舐犢憂預恐今年逢儉歲早期歸日及新秋還家
贖有庭闈樂莫問黃金與敝裘

也知宦海似魚竿需次空彈貢禹冠一卷圖書同敝帚卅
年鬚髮老長干又衝風雪揮鞭去重過河山掩淚看從此

鸛鳴誰歎息傷心不獨路行難

曾耽佳句紀臨雍賣賦誰為薦李邕風雨懷人孤館夜泥

塗驅馬禁城中題門安敢當先輩懷刺還思訪雅宗聞道

小侯俱入學河汾到處有王通

方干抱膝諷丹經搖筆風霜特有靈松菊喜還元亮徑先生

四松別業于今春贖歸乾坤爭看杜陵亭還青鼯聲入夏耽長晝自號

鼯窩嶽色逢春未了青又號嶽歸日為君譜笙霍老人星

傍少微星先生以季夏舉七十計其時予亦歸矣

墨莊詩為王近微先生賦

脫却朝衫不記年年自種墨莊田將軍楯鼻猶多事內

史濡頭獨有緣老屋數椽先澤遠異書百卷主恩偏前身

合是王摩詰詩畫叢中坐鞦韆

戲咏石鞋盃

誰把瓊瑤作意鑄等閒琢就錦雙纏移來天上初弦月捧

出池中兩瓣蓮且共蟹螯分手執免教鴉襪礙人憐幾回

珍重頻看取只合孤床伴醉眠

江州贈劉淑甫權部人賦

幾載前還粵海裝公以嶺南守內召至今花憶舊時香雲曹屢著

郎官績由戶部轉刑部星野俄分使客光估舶千帆來楚澤江流

九派出潯陽知君裕國饒奇筭定有功名紀太常

贈連城從弟新昏
沙棠歸櫂桂香時雪咽鸞簫始及期醮酒應憐無父命驛
梅須急報慈幃傳聞謝女能吟絮莫學張郎祇畫眉早晚
粧臺花筆暇好揮博議與人知

江州懷古合應春竹酒洲

細雨孤帆早泊舟風吹蘆葦一江秋柴桑有路人誰到湓
浦無情水自流黃菊花逢何處酒青衫淚漬昔年愁可憐
雲霧層層見千古匡廬在上頭

壬子元日

浮生又伴物華新雨霽飄飄聞向晨路滑定知無過客年
和須急慰農人粧臺鏡冷三春影綵袖衣霑隔歲塵畢竟
閒居堪養拙長安何事逐蹄輪

咏春草

妻新綠忽平階早逗春光動客懷花尚未開來戲蝶雨
纔過去有鳴蛙郎君走馬調金勒女伴邀人鬪寶釵我亦
歸謀辦壺榼隔年結束踏青鞵

聞余振千病懷之

說來貧病已心酸老去愁腸肯暫寬薄有田租完稅盡竟
無藥直覓醫難平生不肯因人熱今日方知如此寒怕向
荒村重問訊卅年朋舊總凋殘

孟行之招飲以詩見投次韻奉會

老大催人失壯圖逢君意氣託冰壺何期馮鉞歌魚日恰

有楊亭問字徒千古今猶傳二陸謂行之昆仲廿年前已噪三

吳酒杯若愛清狂客落帽風流興未孤

鍾思可明府招同周岐公孟行之過集亦次前韻見

投仍用賦贈

赤縣曾披鄭俠圖鍾曾宰河間歸田何處覓蓬壺昇輿栗里非

無酒結社香山尚有徒史筆自然推美錦微才或恐圻天

吳時予修陽穀縣志賞音况遇叅軍輩得一鍾期已不孤

寄吳五崖比部司權臨清

鄉里衣冠尺五天清郎雅望重時賢祥刑已茁園扉草典

計還添少府錢權署心勞籌午夜講堂人靜憶當年因君

忽觸童烏痛說到侯芭亦黯然仁樹出吳門

小至日旅次獨酌次韻和孟行之

爐灰撥盡聽殘更小立空庭念友聲到處有人同擊鉢誰

家待月獨彈箏未吹葭管春先動暫卧梅花夢亦清濁酒

不妨拚一醉可知無婦諫劉伶

哭齊古愚墓示外甥張若湛方將

文章憎命孰如君問向青天天弗聞忍以無兒酬伯道更

將不第蹴劉蕢一杯幸傍朱公墓塚與漢大司農朱公墓隣斗酒誰澆

白傳墳

香山墓過客輒酹酒墓前土為之濘

哭罷殷勤呼二子可知房杜出

河汾

唐宰相房玄齡杜如晦皆出文中子之門

三月十八日懷仁樾定遠道中苦雨計此日可抵沙

澗矣次母氏韻

何況千山與萬山堦前瀑布亦潺潺久諧作客沿途苦始
覺家居計日間水漲草橋無驛路霧迷沙澗失河灣

草橋沙澗

皆定遠地名

宵好是停驂處早遣平安一騎還

哭與疎禪師

廿年前見爾南歸手翦荆榛啓破扉貝葉勤翻編欲絕松
條親插樹成圍寒鑪尚爇初傳火短桁猶懸未補衣不分
刹竿今忽倒鷹阿堂上失皈依

二老風流好論文忽驚臘盡痛離群譚經不灑天邊雨洗
鉢空歸澗口雲龕室在時常人定佛聲寂後尚如聞金陵
亦有三生石一笑何因再見君

師有白下再生之語

贈長言僧仍次哭與公韻

汝師得道已西歸憐汝啣哀靜掩扉經卷好畱千帙架樵
蘇力護萬松圍休思託鉢尋精舍莫想拈花付法衣欲報
師恩惟苦行大羅門戶是真依

東坡詩人生何處是真依

北山一席久移文獨坐常懷猿雀群寶殿須添新甃瓦柴
扉還對舊溪雲薄田早把犁鋤熟空谷勤將梵唄聞誰為

本師營塔院遠公門下獨看君

雨不止再用母氏前韻懷仁樾

又見烟雲翳曉山隔城遙聽水潺潺
階除不改經旬濕簷溜何曾半日閒
風伯居然推玉壘天公真欲瀉銀灣
漫言長路愁泥淖咫尺隣家斷往還

赤鸚鵡和陳默公任克家

天南翠羽到人間誰染臙脂色倍殷
賦擬天桃曾獨步用謝

莊賦歌翻朱鷺總堪刪呼來執拂雙鬟應用紅拂事歸去明霞

一縷還用紅線事饒爾自矜聰慧甚可知命薄是紅顏

曾揮血淚灑羅裳隴口雙雙憶上皇
教曲須拋紅豆記誦

經先放赤毫光蚤餐勾漏來炎海濃著
榴裙閉後房用樂天詩

中語借問漢宮誰最妬綠衣使者雪衣娘

亡荆忌日

西風又斷別離腸冷落空箱少舊裳
今日若存應更謫五年不見似初亡
未知堂斧能同穴尙恐兵戈徒異鄉
季子就婚中子出惟餘老淚獨成行

客座中有詢予狹斜舊遊者賦此荅之

年少懽場每易嗔少時多有酒過獨憐阿寄待予真
預防婪尾教

逃酒私檢纏頭託贖身別袂重牽衣尙濕予已別去將挂帆復往視之正

伏枕封書未達字猶頻別後予寓書未達寄已遺錦字與數幅五六年後音問猶未絕

君細數青樓舊畢竟生平負此人

九日觀穫山莊

風微霜厚少征塵且向荒村訪比隣有意登高翻似俗無
錢買菊是真貧羽馳官道頻聞警馬蹂秋田未薦新哭罷
老農旋拭淚不知今日度芳辰

次韻答默公九日無菊見東之作

莫向荒園怨未開三春花種不曾栽虛疑泛菊閒居好却
為催租冒雨回歲歉總無田舍樂唐錢起有九日田舍詩家貧安得
舊年醅歸來庭桂香重放也當籬邊一把杯

寄文登吳旦門明府

不夜城頭竹馬初吳公治行近何如好從海市占雲氣更
上之罍訪石書才子縣中花繞郭稻孫樓上雨隨車吳濡須人
屏風御座淋漓墨定為循良譜玉除

贈內人

嫁得黔婁事事乖何曾一日放愁懷衣縫紫鳳添寒線酒
貰黃罍抵舊釵病裏舖糜聊代藥堂前嘗饌只茹齋怪予
對客多臧否試聽卿言亦復佳

一月為錢祝西催粧

街鼓纔清雪後塵七香車擁百花新錢郎大曆推才子趙
女邯鄲號美人新婦趙氏恰有梅花堪點額可無柳絮共吟春

粧成不自描眉黛只愛湘靈筆有神
古詩幼兒仁樾久贅京邸詩以寄之

一月頻開數紙書如何無計說歸與
雖聞鴻案宜家穩却恐羊機勸學踈
小縣時時馳羽檄大兵處處輟犁鋤
可知王母思孫意不爲含飴日倚閭

懷陳大匡壻客瀟山

看殘霜月坐寒燈憶爾衝風獨擔簦
譜散先從隣邑訪峰高偏趁雪天登
時訪宗譜于瀟兼遊天柱愁聞官路千群馬
新識名山幾箇僧買得琉璃八尺否
北窻預想瑩如冰曾屬爲購簞

乙卯元日

雪花暗逗草堂春後飲屠蘇第二人
何日編成長慶集餘生求作太平民
三軍若罷那須捷八口無饑敢怨貧
且喜薊門歸子婦今年贏得向禽身
時已遣伴入都迎子婦還里

寄贈楊欽四邯鄲

暫勞卓魯出分符西望邯山古趙都
傳檄雖然當驛路催科猶幸少官逋
解圍公子旌旗散僭號王郎壁壘無
自是太平需悃幅仕途何必執金吾

贈李邑侯燦章

隴西家世本鳴珂且借鸞凰下薜蘿
朱邑祠前遺愛在陶公亭畔惜陰多
椎牛享士軍聲壯買犢歸農歲序和
佇望

河陽花滿縣肯容君對舊松哦

李以少府即真

九日以詩代書招陳越樓陳問齋姚彥昭見過看菊

今年租稅先秋畢待到重陽少吏催園叟賣花多轉艷草

堂叢桂落猶開名山祇耐看圖繪

王安節時以畫見寄

世事何妨付

酒杯恰有新篳剛漉罷芳時不肯獨登臺

署沼白蓮詩為石埭姚六康明府賦

鶴靜風來荀令香亭亭清影卸紅粧朝天素面顏如玉貼

地銀花夜有光結社漫邀緇衲侶聽經肯喚雪衣娘遙知

儉府饒酬唱不帶芳根返洛陽

九華如削俯江鄉移入芳池生午涼幾瓣清香花似水全

拖縞素雪為裳玉簪不用馮夷捧粉面何須太液傍他日

趨朝撤銀燭冰心一片在河陽

除夕次韻答綏人

休言明日歲華新賒得東風已浹旬周甲何期纔抱子同

庚恰喜又生申

綏人生乙卯今六十一矣子亦乙卯生

貧無活計愁逢臘老

愛陽和易入春却憶荆湘喧戰鼓一門懽聚幾何人

丙辰元日次韻答綏人

相憐莫嘆白頭新且向書堂寄此身歲月也知隨莫莢交

情誰不改松筠屠蘇飲後年逾老爆竹聲稀俗漸貧點檢

一春渾底事全憑佳句語驚人

姚注若以入山詩索和兼惠新茗次韻寄答

雨後泉如淥水琴羨君聽去坐濃陰欲遊名嶽原難徧外孫

崇修時方完室但入青山不用深寄到茶香兼色味種成竹樹兩

園林城中茲園山中桃花洞皆勝境桃源只在人間世漁父何曾著意尋

為友人納姬催粧

香飄金屋鈿車迎絕代風流已目成誰把才人嫁廝養從

來名士悅傾城輕調鳳管翻新曲暗疊鸞箋署小名料得

夜闌涼月上枕邊私語便唧唧

蔣素書以詩見贈次韻寄答

老逐名場潦倒餘閒情祇合伴樵漁逢年空抱王門瑟乞

食誰貽幸舍魚彭澤官無八十日虞卿窮有一編書怪君

猶撥寒灰火夢斷春明久索居

射蛟臺畔絳帷垂談罷經書好賦詩讀史君能用我法素書

有讀史偶咏逢人休問彼何誰訾警一任雌黃口著述應乘健

壯時似我頭顱還自厭市兒按劍不須悲

寄贈周雨郇兼以拙稿就正屬序

十年夢憶向山春開卷何時不飲醇家住鳳臺常弔古手

繡蠹簡竟忘貧千秋片席今誰主五字長城代有人雨郇

代五言詩更欲憑君按石室焦桐莫惜表先民子輯龍眠風雅蒙見

錄采

百遍吟求隻字安衰年猶未老波瀾敢云孔雀矜華羽祇
學蠅蚋愛轉丸傖父賦須爲世重思王文亦儘人彈譬如
奏曲非無誤博得周郎一顧難

王甓亭聞拙集授梓惠寄刊資賦以志謝

平生只愛苦吟詩格律歌行聊自怡梨棗雖逃投厠厄縹
緇猶惜覆瓿遲遠勞分俸貽陳著

時爲陽穀令

幾度逢人說項

斯

甓亭向愛予詩常爲稱誦

何似西川王錄事雨中不寄草堂資

木厓集卷之二十一 終

木厓集卷之二十一

五言排律

呈史中丞四十韻

天祚中興運人鍾崛起才檄書連草澤節鉞出蘭臺地勢
連三楚兵威動八垓壯猷殊激烈大業待規恢苦樂軍中
共誅擒馬上該健兒俱踴躍降卒少嫌猜殺氣能揮日歡
聲似震雷帳前羅拜郭道左跽迎裴旣熟兵機略還嫺吏
治材捕蝗殘種盡發粟太倉開鴻雁棲安堵豺狼絕禍胎
國方懸賜劍家忽罷栽槐揮涕親恩逝傷心世德培許堪
雖枉道富弼有深哀功績寧粗就形容却小顏奔臨何忼

慊起復詎徘徊父老競相餞軒車挽不來裝猶無惹苴舟
豈載甌壘廬墓看馴鹿緘門臥淺苔老臣真慮杞盛世合
調梅墨經期纔闕黃麻詔屢催致君辭北極將母廢南陔
水道難於蜀河流淺似杯輓輪常梗泛䟽塞輒涇洄白壁
盟徒在黃金勢欲摧從容成砥柱辛苦築離堆轉運軍民
便先期潮汐回飛芻清冗餉貨穗惜餘財深識誅求急常
憐水旱災斬關馳羽帛隔岸起塵埃誓旅功誰敵勤王事
首推萬艘紛抗列千騎互排厯朝野維毗者東南保障哉
故人懷沈謝高義擬鄒枚漕政臨河決軍書倚馬裁艱危
分食箸慎密畫寒灰機務元諳練才名更傑魁自憐甘豹
隱不足比龍媒亦欲希分座終難苦鑿坏遙知淮海上瑞
彩接三台

同友人飲酒家贈歌妓二十韻限燈字

江上登樓日風流久著稱聚星才足敵冒雨興堪乘高館
懸銀燭佳人捧玉冰移茵嘗有蝶揮塵漸無蠅羽調歌頻
轉蠻腰舞不勝錦江真幻出雪嶺定先登情許微之密名
因張祜增笑言何綽約來往亦飄凌輕箏搖芬馥織羅却
鬱蒸傷人誇絕色吾意比良朋作賦疑神女彈琴笑茂陵
但期聯白壁不用繫朱繩綺席涼風動珠窗爽氣澄真成
花似錦况復酒如澠箕踞憐中散狂歌擬右丞豈期翠黛

減遙見黑雲層橋下新潮漲城隅宿霧凝笙歌隨欲罷雷
電莽相仍坐久庖廚倦更闌僮僕憎諸君醉且去歸取玉
蓮燈

哭吳南蒼從舅一百二十韻

天喪斯文日人悲大雅年吳趨庸復賞楚些不堪傳痛爾
依三輔名垂動八埏歲時分顧盼少小奉周旋已信松生
腹還聞鳳集肩才凌金馬貴養擬木雞全夙負英雄略蚤
成弟子員遐心棲虎觀壯志撫龍淵獻字卑三十窮經邁
五千事先籌曲突悟後却蹄筌共識劉關閉誰知管榻穿
詩成吹紫玉賦就擲青錢艷比陰何遠工看屈賈前鏗鏘

朱鷺曲爛熳白雲篇

南蒼有擬樂府四卷

體擅陽春絕詞無子夜妍

揣摩搜稗紀投贈深華牋季札觀稱盛吳兢史更專

南蒼有史

論史述五卷

闡微羞燕雀討惡抗鷹鷂本不慚弓冶何曾輟槩

鉛經營真簡確區別亦精研昭代邊防備今皇廟算先遠
猶規漢武大略佐周宣未雨苞桑固陳風金石鐫管城驅

曳落墨陣擣祁連草莽終無用文章詎有權

南蒼輯本朝邊政二十事

為邊紀詩

自成千里駿不遇九方歎足懶窺園圃身愁入市塵

高堂畱碧篆古寺訪青蓮間發王猷興無妨孟母遷淮流
波蕩漾鍾阜草蔥芊吊古賡苓隰尋春擘蕙楊徘徊傳越
調徙倚鬱幽悄李唾囊何苦江花筆正鮮談玄兼理象釋

易首坤乾爻象非畸數災祥得妙詮孟梁俱下乘關衛祇

餘涎

南蒼精
易學

思緒鋤千障聲光燭四筵蹟能多博討奇在

不尋沿編絕將休矣梁懸愈勉旃馬融無絳帳李密只蒲
羈泣柝時原蹇擔薪體却屏未食魚食字空坐蝨生瓊晝
短蘭膏繼宵殘茗汁煎皇皇如渴驥寂寂似寒蟬望斷吳
門練情鍾湘水荃嘯言懷帝子登眺擬神仙日月催顏髮
風雲滯祖鞭雞棲聊避地鵬運欲垂天麗藻馳梁苑繁華
跨洛川八廚名獨著萬石澤方綿豈料膏盲發真逢疾病
纏藜歸太乙去虹貫少微邊沈約腰偏瘦相如渴未痊蘆
中人竟沒華表鶴難還未蓄三年艾唯餘二頃田破琴隨
逝水掛劍向新阡君輩存何益斯人疾不延花殘翡翠幕
淚墮鳳凰巔朱鳥應難見青蠅豈受憐夢遺康水誥腸絕
廣陵絃蔡字虛飛白揚經罷草玄遂騎箕尾上不見斗牛
躔玉樹枝將瘞銅花血已濺佳人難再得野鵠忽孤鶩桑
戶歌何及山陽笛杳然從茲悲玉碎安得冀珠聯路覺山
河邈門看冠履闐百身曾莫贖萬事總皆捐悔未拋蟬蛻
將身學倥佗閨紅猶弄瓦儒素只懷瑤馬鬣碑碣磔牛衣
涕泗漣瑤臺辭井竈泉路問杯棬吾道衰應轉天心禍不
俊舐瘡非謝石丸藥少醫扁春正逢寒食人方惜禁烟忍
看新楮帛復掛舊鞦韆交感夷門客姻悲宅相賢直憂瓊

樹折匪戀女蘿牽白水清清淺明珠的的圓蘭生推鑑早
阿士受知偏遮莫書遺澤何嘗聚下咽尚存牙後慧竊慕
肉中羶好我嘗垂砭因君欲佩弦典型多束縛模範最拘
攣憶接中郎屣欣登元禮船南蒼曾招予泛秦淮痛飲竟夕菖蒲方雜杏
桃葉共蹁躑玩物曾颺釣憂時或扣舷過橋尋曲徑停柁
激微涓芳榭吹雕琯紅樓戲寶鈿杯停花綽約衣動影福
襪蝴蝶香堪採芙蓉秀可搴不憐人盼盼獨對月娟娟傲
骨標清峻通才辨白堅袖中光焯爍楮上氣蜿蜒近日殊
無此前人或有焉登樓神慘澹南蒼擬唐詩十篇有擬崔顥登黃鶴樓詩過宅
淚潺湲擬劉長卿過賈誼宅客至辭窺奧擬杜于美客至狂歸思湧泉擬李太白

送四明狂客歸諸家宗嫡派群籍肆漁收苦詠嫌形似酣歌任靜

便真成詩作史那籍酒叅禪一代風流盡三唐體格懸誰

能分雅俗世反尚輕嫗論定推高目譏無忌老拳陳蕃懸

榻泣二如胡杲抱圖眠子兌姚史良資乏觀侯方湖樂事竣

元錫相期傳禪草勿復望聯翩自有覓歸楚休將骨到燕

北邙朝露怨東壁歲星愆露落詩筒斷風來總帳褰一生

惟恨鵬百口盡憐螭天適齊王弼南蒼年僅二十四荒因老鄭虔

音容還彷彿踪跡實迤邐墨經殉雙塚南蒼兩丁內艱朱衣誤兩

甄中途收阮哭半幅見張顛索使蘭為艾寧分蟻與鳶生

翻嗟桎梏歿却信筵筭祇恐棺無塵難誇筆是椽巨卿執

縛志孺子束芻綠幻儻同蕉鹿靈疑化杜鵑安仁何以誅
掩淚讀遺編

戴女葉烈婦輓章十二韻

名門鍾德配竹筥戒豪奢淑節婉緜氏清心似顧家盤匱
仍澹素井臼自柔嘉絡秀工精辨羅敷避狹斜何人仇詠
絮有意學含沙墨吏狗蠅筆狂童鬪鼠牙黃金猶可鑠白
璧詎無瑕奇獄羣謠詠空幃獨嘆嗟吞冤投劍匣投淚却
鉛華結髮辭夫婿捐軀報阿爺青燐埋貝葉碧血濺菱花
他日摛彤管誰同東海誇

贈黃鎮臺三十韻

儒將干城寄功名竹帛垂擁旄推謝久投筆似班奇黃鉞
元戎隊青宮太保司海門牽組練天柱建旌旗細柳勤蒐
校維桑賴撫綏翹門嘗負石賭墅或圍碁覆鏡真無赦投
醪本不私三江司鎖鑰六郡起瘡痍已覺牙璋寂重聞鐵
馬馳太湖爲藪澤方寨有藩籬軍令分明出天戈次第麾
雅歌仍緩帶密謀亦褰帷殺氣魚龍沒先聲草木知射猶
疑是虎夢已叶非羆去惡寧除蔓調紛實治絲偵伺懲吏
墨輸輓惜民脂珠履招嘉客黃金買健兒揖能憐長孺登
豈避元規枯轍資嘘拂生芻願繫維桂林吾好友方子詒時在幕
中樅水有新詩作客依嚴武逢人說項斯登龍誠有幸倚

馬復何辭更喜青油幕能容白接羅微名慚駿骨生事憶
烏皮蓼國論文日桐山悵別時近聞鈴閣暇不憚練都遲
每草叅軍檄真成幼婦辭談嘗揮玉麈醉卽換金龜信宿
還投契風雲已及期此行何以報天際振鴻儀

寄崑山胡申如明府三十韻

高穴探奇遠娥江濯秀殊前身胡博士此日范萊蕪新代
推師表諸生奉典謨壯懷矜遠志始進礪廉隅講席三年
久歸裝一物無官貧如鄭老詩逸邁吳歛勸學分翹楚論
文具楷模曹劉看竝轡董賈讓前驅偶獲文章助曾無禮
法拘羶同懸榻設酒許俸錢沽雅饌隨盤得寒交折簡呼
品題真特鑒酬和足清娛壇杏當筵發堦葵夾座鋪祇期
猶振鐸何意忽分符作士猶閒秩臨民實壯圖才寧輕百
里地况冠三吳日下元紘鵲風前子晉鳧琴堂惟柳靜麥
秀有岐敷花滿河陽錦光迴合浦珠盤根那足慮黍谷定
全蘇應集中都雉還輸內史租仙郎看去馬津吏返行艫
共說君爲政能令下不辜板輿迎壽母絳帳聘名儒敢借
今梅使傳言舊酒徒九年懷楚璞到處忤齊竽益悔稽康
懶兼慚卜夏癯叩桐誠有幸畫荻恐猶誣頂踵皆鑪鑄天
涯亦步趨此生如附翼當得接雲衢

呈李操臺四十韻

代

皖口東南最江流吳楚連自從開府後誰似令公賢早秉
中丞鉞兼持太尉權七年膺節制半壁荷生全憶昔褰帷
日伊予把臂前下車彈酷吏發策戒寒蟬軍務才原裕江
防責更專春蕪調戰馬秋雨練樓船緩帶追羊祜圍棋勝
謝玄安流波本靜擣穴壁逾堅漸覺鯨鯢伏寧容慧字纏
瘡痍纔慰勞水旱復矜憐粟任淮陽發租從太府蠲繪圖
先搶地啓事輒回天猶恐催科棘多因積弊牽富貧雖有
異苦樂必無偏平準丁兼畝縱橫陌與阡蒼生胥土著赤
地亦屯田農戰閒刁斗邊儲飽粥饘竟饒任氏粟不費水
衡錢壯略裨軍國先聲振蜀滇近聞鈴閣暇常到講堂邊
餘力開書院微言契象先五經資討論諸士賴陶甄直爲
斯文主勉茲弟子員望同天柱峻功竝海門懸自笑元瑜
管徒存子敬瓊偶然逢俊網因得侍經筵賜酒慚王績登
樓似仲宣無才摛彩筆隨意度花磚虎觀功何有鱸鄉恩
渺然放歸皆雨露休假卽林泉久絕還朝夢猶携滿袖煙
主恩真浩蕩閭里亦流傳不有元戎隊安能高枕眠異時
曾御李別後遂趨燕三載河山隔孤懷璧玉聯每因輿誦
至長覺病軀痊環賜非吾望纓歌幸有緣願依棠蔭下鼓
腹樂堯年

贈賀李漑林明府晉庫部卽送之北上

鉅鹿鍾靈遠滹沱濯秀幽自吾夫子出斯世邈難儔蚤歲

魁三輔雄文綜九丘世家光舊閱轂譽滿皇州射策晁兼

董摛辭應與劉石渠須奪席山邑乃鳴騶僊令來何暮居

民戶始稠公初蒞湖湖無人久之成樂國云榛叢初啓闢桑下漸遨遊烽

接諸鄰警燐飄四野愁單車馳敵壘長嘯鎮誰樓檄是軍

前草戈從境上投歸降無首從談笑得羣偷湖接壤蘄黃英霍故多盜

公繕城垣立里兵嚴保甲有前後招撫及請蠲吏散那須午圍

空不待秋公訟簡刑清一郡稱最請蠲河內粟歲饑屢願引益昌舟

公為湖力請于上官徭役多所宥免廟宇參差復文廟隍廟皆捐俸鼎建橋梁次第修

修田橋浮橋湖民便之禱神犁虎穴湖患虎公禱于神得息祈雨步龍湫歲旱禱雨

龍崖輒應子孝因仇覽公下車旌節孝兒生賴賈彪湖俗不舉女公作歌禁之襦多

仍有袴車滿復盈篝處處中牟雉家家渤海牛宦途任錯

節詩窟更冥搜書藉青藜照詞堪白壁酬七賢饒月旦公

賢弔古七八詠見風流有司空八景詩藥籠爭歸狄朱衣不羨歐揮

斤消堊墁舉網盡琳球湖人士有勸業南闡尤多得士信是鳴琴宰時聞

擊壤謳八年良獨苦一郡尚誰優 帝曰茲疲邑卿能扼

上游文章真司馬經濟合睢鳩遂有循良召難容父老畱

攀轅徒飲泣夙駕已傳郵何武思無極班生比得不字民

猶異績致主必良籌自歎予生薄偏為鄉里讐依人無匠

石酬德有吳鈞豈料雕蟲技翻蒙一鶚收吹竽雖見棄伏

櫪未能休所幸猶存舌寧慙已敝裘祖筵迴鵲隊瑞彩動
螭頭以我感公意知君報國謀庫郎有家法唐李渤為庫部郎最稱職
端不負靈修

壽陳蟠石太翁七十

天上虹流日人間嶽降辰太丘家世遠彭蠡舊風淳遺愛
于茲地遷居似有神公先世丞吾郡遂家于此千年鍾間氣八代接芳

塵早熱藜頭火羣欽席上珍詩書尊古學孝友重天倫講
道身先率寧親晚更真田荆如韡萼謝樹足荷薪理窟搜
關雒儒林辨孟荀彥方誠足畏德曜亦如賓漸覺文犧賤
翻宜雲鶴親手輕赤拄杖髮愛白綸巾有子媿元季傳經

無夜晨敢云才是里惟以德為隣桑海嗟斯世煙霞寄此

身桃花炊作飯松樹老成鱗濠上觀魚樂山中畏客頻何

妨堪却老有酒不知貧最喜懸弧近剛逢捧檄新公誕日會默公

錦旋杏林衣賜錦薇省管簪銀丹桂初開遍黃花放欲勻稱

觴多上客珥筆盡名臣堦下尋瑤草風前坐綠茵行看佳

子弟取次掌絲綸氣總干牛斗才俱毓鳳麟長文尤似祖

公孫大匡子東床也彥輔謬連姻人似元兼愷情深朱與陳敬賡三

十韻為祝八千春上壽今方始純禧必屢臻鹿門欣有伴

同作百年人

壽陳母方太夫人七十 次前韻

鶴籟猶餘響鸞車復令辰遐齡同熾艾碩德總龐淳僊籍
疑王母前身應洛神脫簪垂淑範椎布奉清塵高士閨中
助名家掌上珍才堪英習敵德是少君倫滌滄恒精辦方
舟每率真已歌南有木還積後來薪河畔連分薛車中屢
聚荀熊丸常訓子馬荐更畱賓髮以劬勞變心猶織紉親
那須施絳帳聊欲樂綦巾歲儉能推食朝炊獨嚮晨舖糜
先八口撲棗任諸隣聞道星臨手渾如鳳集身太夫人夢
掬綠星生
默元方隨荐鶚仲子必攀鱗雙壁扶筇穩諸孫戲蠟頻異
書雖有效太被肯辭貧翟弗乘軒貴宮袍製錦新芝蘭爭
似草珠玉勝于銀花映金釵古霜凝翠黛勻憑誰觴阿姥
俱願作良臣人戶排歌管當筵疊舞茵彩衣傳奕葉彤管
待恩綸子晉雲驂鹿麻姑脯擗麟暖風迎霽日喜氣動賓
姻萱草同梅發蟠桃帶雪陳肉頒方朔臘酒酌步兵春雋
箸年年進潘輿處處春紫泥竚竚及八座太夫人

賦得魚戲新荷動

早夏池塘漲田田葉正同江南猶未采濠上已潛通鼓浪
知何樂遊鱗意不窮似憐香氣近相逐綠萍叢弱荇牽衣
製微波澆酒筓影欹疑受露珠墜不因風乍定錢仍小輕
搖鑑欲空何當遇周昉譜入畫屏中

喜從叔如孫重葺舊廬移家次馬二永公廿八韻

秦淮同避地歸里十餘年昔住費宮側今棲廢圃邊敝廬

纔半畝華屋尚西偏甥館居亭久從叔贅葉氏數年也民家比戶連

琴書今日至堂構昔人傳更爇爐中火雪洞有從祖丹爐還炊閣

上烟西閣從祖讀書地親朋俱慰藉隣巷亦歡然却憶門閭盛曾

看祭戟懸乘驄誰不避曳履客常穿醴酒朝頻設笙歌夜

少眠一從逢祝亂何處得安便吳越逢飄梗樓臺委斷磚

贖歸猶世業作伴有遺編土堊撐殘壁松柴續短椽籬疎

聊補罅牆圻且扶顛縱有誅茅費差無買宅錢歲正仍再

卜春立始新遷古樹流鶯囀空堦戲蝶娟不才欣接武未

老敢隨肩所願能終畝相期共解絃劍憑新土淬裳向濁

流褰但使懷完璧疇為惜半瓊隔牆時著屐出戶好聯篇

詞取班揚匹詩看李杜前多才寧拙用立志貴窮堅我已

稽康懶君真阮籍賢堯門方啓闢周道絕夤緣佇有鳴珂

日重誇尺五天

恭祝母大人六表一百韻

桐子鍾祥久延陵毓秀殊篤生吾母氏端不讓名儒蚤歲

蠲脂澤潛思溯典謨衡書猶溢幅掩卷輒操觚體弱神能

王心聰貌若愚竟無煩保姆雅欲奉浮屠母氏幼即皈依釋教綺閣

鐘聲邃紗窗篆影紆逃禪繡彌勒祈子代商瞿數于佛前為外王父

祈以此外王父珍之等丈夫趙襄堪簡授鯉也亦庭趨擇

對持箕箒來歸作楷模

先司馬嘗語宗一先生以母氏為吾家女範

吾翁洵長

者厥德足刑于髻是荆釵縮奩將竹笥鋪低顏稱冢婦洗

手試諸姑管蒯曾無棄織絺每自污勤能先蟋蟀巧不乞

蜘蛛遂購田千畝還營宅一區

母氏手置田千畝又買觀音閣大宅

兩家歸

禮法三代愜歡娛暇日搜遺笈終年味道腴詩先明雅鄭

詞必黜巴渝蘇李元音叶王儲近體俱桃花紅可噴柳絮

白堪摹淑範誠無敵多能亦匪誣畫成金粟影穿就水晶

珠

母氏善大士像又精女紅

貝葉枝枝出蓮花瓣瓣敷

手錄佛經數十卷

談棊

追鄧艾顧曲勝周瑜

善奕及樂律

書法分雞鶩琴聲譜鳳雛

工琴

書星疑傳日者劍不減風胡

素諳星學又多鑒識

善講公明易能書

王母符

小筮符呪皆曉大意

長才無不可至孝復誰逾嘗藥頻加額

和美自割膚

外王父病篤母氏割股以進

緹縈差弗媿漆室更多虞夜

續憐匡蟹晨征勉弋鳧庭闈踈戚徧膳服吉凶拘百禮咸

釐舉三喪何有無

母氏凡三曆大喪

分糜從眾婦合燭任隣吾家

業方隆起軍儲忽轉輸妖氛來豫楚寇盜弄粉榆跼踏龍

山路艱難鴨子湖若非綢牖戶爭得免泥塗

崇禎七年民變八年流賊

來避亂皖城練水間也

賣犬行方始牽羊任所須

崇禎八年姊氏于歸九年十年連為

江與弟培娶婦也

世途甘坎珂物力惜錙銖歛邁龍蛇歲遽傷箕

尾殂

崇禎十三年先君即世歲在庚辰

脫簪全附郭杖淚欲捐軀苦塊哀

何及冰霜誓不渝憑誰酬逝者惟有訓遺孤薛鳳雖曾鍛

張騫擬竝驅中途摧雁序兩度折荆株

崇禎五年弟挺夭十五年弟培復夭

也幾怒稽康懶還憐卜夏癯和丸當白墮剗薦卽青芻絳

帳饒談議青綾解聒嚙孟宗欣有被韓伯賴多襦却憶饑

荒日頻聞庚癸呼民家無長物官舍亦空帑族偏多狐鼠

兵驕盡虎貙蠲貲消眾忌破產給軍需

崇禎十五年春事

兒去趨

安宅身畱守畏途踰時方轉徙間道倍崎嶇危地仍思楚

炎天似渡瀘

母氏以是年五月渡江之白下

山城非樂土建業尚皇都百

口羣依倚孤身敢怯懦三年真飲水一飯勝茹荼偏值流

亡繪周遭嫁娶圖

居白下三年數為諸妹畢婚嫁

衣簪搜敝篋蔬藿出荒

厨客路飄零慣鄉園戰伐蘇言歸浮斷梗臥病伏神樞

乙酉

奉母氏歸桐

遠墅空聞鴈殘冬始鱸鱸城池猶繡錯田里

總榛蕪新令矛頭急勞人橐底枯誰家容乞食鎮日是催

租更歷湯宣早難支旦夕舖陂塘俱竭澤父老各呼雩病

髮成絲縷愁腸轉轆轤鏡塵朝不掃枕泪夜長吁祇為牽

兒女那曾饜黍稌不知老忽至生我一何劬天地侏儒苦

江湖歲月徂自憐懷楚璞空復忤齊竽有賦惟窮鳥何人

不賤駑數奇遭指摘命薄被擲榆毛義寧無檄終軍屢棄

繻竟難陳鼎養強半饌伊蒲

母氏茹齋輒數月

近秉維摩教真成

法喜徒歛眉持梵唄叩齒結跏趺渡蟻同公序放龜似孔

愉

母氏日誦佛經喜放生

流鈴接玳瑁寶蓋接珊瑚白業原難老丹

砂豈待沽且忻慈力健剛報宿疴逋雲氣來瑤島霞觴瀉
玉壺魚音常遠播鳩杖不須扶試看盈階草誰非汗血駒
瘠才堪伯仲門第盡崔盧甥竊東方實孫懷菜子烏會須
揚壺範取次入天衢社圃饒蔬甲秋林足木奴月爲銀鑿
落花作錦瓊瑜瑞靄飄丹桂清風動碧梧仙娥瞻婺曜賓
從唱吳歛是日辱諸君子惠以祝言雋箸歡當案潘輿緩繞郭微生如
寸草百歲待涵濡

壽葉紫賓明府三十韻

仙令今誰最明公望獨尊仁風開壽域偉績奠平原都尉
箕裘遠扶風禮樂存牛刀聊一試鳧舄已雙騫轉漕民咸
便均輸吏不煩輿歌聲允洽身教理尤敦文廟雲端峻桐
渠雨後渾浚隍饒保障斷獄主平反屢破妖人膽還申孝
婦冤勸耕巡隴畝課藝集橋門虔禱甘霖澍清談玉露繁
蝗能知卓茂虎亦避劉昆已見魚生釜佇看鹿擁轡三年
棲枳棘百里樹屏藩遽有狼烟警頻聞鯨浪翻彭循能諭
寇克國更分屯講武援枹鼓臨戎佩褭韃椎牛分月俸齋
馬下壺殮軍有投醪醉人如挾纊温渠魁俱受欵窮寇亦
潛奔渤海休持劍於陵樂灌園何期華祝近剛值凱歌喧
甘菊花堪釀嘉禾稻有孫共將飲至酒一勸養年尊父老
紛含哺田家競獻暄雀恒依訟閣犬不吠花村自分巴人

調虛承國士恩桑蓬逢勝日桃李媿無言頌禱何須復謳
吟自弗諼郎官一星在高徹紫微垣

恭謁聖廟

夫子百王師疇能贊一辭入門惟稽首伏地輒移時仰視
宮墻仍徐瞻殿宇基軒楹侔帝室服冕備皇儀屏氣一凝
睇周廊似列眉濃陰縈石檻霽日射文棖撐棟檜千尺環
壇杏幾枝蛟龍蟠玉柱鼉虬拱丹墀拾級仍揮汗登堂屢
攝齋威容看轉肅禮器忖還疑犧象尊皆古雲雷製更奇
泗濱浮磬石滄海出鼉皮况值丁將近應知祭有期次日
為上
丁是日 舞庭陳籥翟盥所列槃匱玉俎行將設朱幡欲待
習禮

麾敵形如伏虎鐘紐盡盤螭六籍文風盛千年祀典宜廟

祠俱展謁堂廡亦追隨

謂啓聖廟及後寢
家廟東西廡也

遺訓詩兼禮

詩禮

堂餘音金與絲

金絲

翠猶前代栢石是歷朝碑奎閣層層

上雕欄細細窺東臨平楚盡南極大河潛碧瓦承莖露華
甍照璧池勢凌天闕迥氣壓麗譙卑不覩玄宮闕焉知聖
澤垂尼山常截業洙水自漣漪每事應須問斯文信在茲
藏書猶炳炳希聖益孜孜几杖嗟無及羹牆慰所思欲歸
重惆悵何日薦明粢

恭謁聖林

甫謁先師廟旋瞻至聖林出城猶翼翼按轡敢駸駸天入

青齊遠山連秦岱陰蒼楸交輦路紫氣護雲岑聖壁丹兼

漆鑄珉碧與金平岡通廣陌峻閣捫長參回首尼防近迎

眸洙泗深過橋愈踉蹌上殿益蕭森謂洙水橋及享殿也華表韓公

建孤亭宋帝臨殿前華表二翁仲二石林石虎各二皆漢韓叔節所建又墓左有宋真宗駐蹕亭

鯉趨仍在側伯魚墓在墓東麟泣杳難尋不覺頭搶地因之淚滿

襟山頽文未喪豕舊祀常歆伊昔心喪日群懷孺慕忱竭

來爭樹植莫辨是槐楸七十同廬墓三年始治任欲歸情

戀戀相向涕泫泫載睹文楷色尤傳端木心虬枝雖剝蝕

鐵幹未銷沉天地看俱古風霜畱至今殘碑還磊砢喬木

共崎嶇冠鳥長如在于戈不敢侵登堂停杖履思堂在墓東鏤

石玩銘箴共仰杯捲澤如聞絲竹音雄文同琬琰高咏盡

瓊琳壁上詩刻皆唐宋人所題徙倚應無限流連愈不禁瓣香聊一奠

玄酒定誰斟不見鈎衣棘真無巢樹禽樵蘇曾莫採輿隸

亦知欽石立疑懸甕泉流似撫琴何當依墓側經籍日披

吟

恭謁顏廟

駐馬趨顏廟振衣入掖門當年居陋巷此日繚周垣遺井

清風在孤亭樂意存歲深森檜栢春至薦蘋蘩石柱龍雙

繞窮碑獸亦蹲生存雖不壽廟祀却常尊四配推高座千

秋有定論至今猶侍側廟在聖廟東足發是何言展拜形俱肅

翹瞻意彌敦防山雖有墓安得一招魂

顏子墓在防山

嚴文開招同王實臣余義馭飲郭外草堂

江郭寒烟渺幽棲雅集豪市殘穿瓦礫路小入蓬蒿所喜

人如菊兼聞巷姓陶

陶家巷嚴所居地名

王郎原世好余子亦吾曹

一徑達茅屋雙脊隱雪毫柴扉新白板裋褐舊青袍儉歲

移鷗宅中年足鳳毛牆低堪野望門掩任風號細斫銀絲

鱸深傾白墮醪烹鳧堆筍截醉蟹折霜螯檻外山何秀城

陰殿自高金吾如不禁痛飲卧臨臯

送楊古度之白下

霜寒天欲雪君獨問江船鴻爪初何定雞林客久懸講堂

推伯起投閣耻楊玄賣賦那論價買山合有錢羈栖貧自

慣著述老逾傳到日逢徐稗

謂徐揚貢也

為吟秋水篇

喜方雪疇胡金子陶爾瞻郭月佩楊聖美郭振九吳

素夫先後見在僧舍因畱小飲限將字二十韻

旅館寒無賴中春日漸長偶然來眾媿一半是同鄉赤幟

標詩侶青尊競酒狂基聲滄梵唄厨火借僧房盃茗潛浮

綠瓶花暗送香羸輸都莫較清濁且分嘗廉亦傾三雅豪

能累十觴啣杯看墨蹟

時出碑刻共賞識

停筇問紅粧

座中有詢及青樓者

齋却無兼味

雪疇月佩皆茹素

酣應有別腸談諧誠善謔賭賽美

誰強反不憂城隔祇嫌被雨妨苔堦侵漸濕布幙捲微凉

傍險銀鞍滑衝泥蠟屐忙客惟餘二仲聖美月佩興足劇千場

坐密重揮塵嘗甘夏解筐醉醒俱不定賓主畧相當暮鼓

轟前殿昏鴉集短堦暝猶分佛燭眠欲踞禪床作客時如

此思家念可忘驚心見春草有母不遑將

楊聖喻昆仲招同方雪疇胡全子吳素夫過集限詩

字二十韻

花萼延賓日枌榆話舊時方胡吳皆吾江左人東南誰竹箭伯仲自

頃篋病豈資陳檄聖喻有頭疾方愈書方下董帷聖企歸自講堂昨宵纔

別去聖美先日見過今夕又追隨觴政三章約厨珍五簋宜遣

寒須命酒取醉卽論詩風雅前賢擅譏彈薄俗畸時有言近選家

好詠排前人者共期堅壁壘相與衛壇壝飯罷聊紆步談深更奕

棋近簷風轉急入座席頻移旋馬遺徽在雕龍舊業垂更

聞登岱與直欲昇輿馳白雪疑吳練聖企述雪中登岱事黃絲想漢

碑向平予倘遂韓愈爾何悲剪燭重開宴停杯數問奇勸

爾兄弟饋爵酌僕筐疲糟蟹凝如漆蒸黎輒似飴百年惟

有醉三子願安之步出城闈疾方胡出城騎歸幕府遲吳入署寓

齋吾不遠痛飲復奚辭

呈少叅李漑林先生三十韻

岳牧分藩重燕齊屬望均天倉需外府國計賴名臣憶昔

來巘邑伊予託比隣司空畱蔽芾天柱竝嶙峋已見花稱

縣還容席忝珍含香螭較近製錦雉原馴粉署鳴珂蚤槐

廳視草新墨函光照夜玉軸曉臨春武庫曾洵富

公以太湖令擢

武庫郎

文場眼更真

丁酉典試山左

到門無下士觀國果嘉賓騏驥

爭先路鵷鷺盡要津鏡林歸品鑑臬府待經綸徐士推蘇

軾淮南借寇恂鯨波纔息浪熊馭又移輪

公由淮徐觀察晉山東糧儲道

稽事先輸粟軍儲豈算緡地猶傳世澤

尊先人曾守萊郡

人更拔

殊倫轉餉蕭何最買牛渤海淳賦期無缺減役必俾平均

德水看銜尾恩波動涸鱗民艱憐蔀屋主眷答楓宸九列

行班棘三台舊拱辰窮經虔漸老曳屣憲逾貧落拓酬青

眼飄零逐白蘋叩門誰盼睐彈鋏每逡巡老女仍工繡東

流總效顰參苓叨藥籠頂踵藉陶甄汲引資長綆追隨附

積薪典籤慚代庖聯席媿陪荀且就扶風帳聊為立雪人

何曾道家累來傍屬車塵

木厓集卷之二十三

七言排律

人日同諸子春樓看春時較書王未妍在座

長干歌舞祝春祺幸有高樓接月陂盤薦五辛知令節雲
 占三素識佳期農星建國鞭牛禮人日思家落雁詩帳上
 帖金花獨笑釵頭綴勝影雙垂通侯子弟多乘馬太傅姬
 姜不下帷七種菜仍傳綠椀一枝花更出青墀何期北海
 開尊日正值東山攜妓時共道壽陽宜點額未妍簪梅花
眾皆歎賞
 恐妨京兆欲描眉京兆過樓下予
以袖掩未妍紫烟熏鴨黃金鼎清酒
 浮蛆白璧卮隔是喬知憐碧玉何曾羅隱恨紅兒偷看皓

齒杯嘗進拚近朱顏座幾移卽此便稱春色好鏡湖風雨
不須疑

同友人飲酒家贈歌妓二十韻限燈字

秦樓曲巷看春過楚女陽臺及暮登油幙繽紛堆綠椀玉
煙爛熳炤華燈風吹淮水清眸轉雨滌鍾山翠黛凝對我
不言嗟薄命逢人強揖道常勝纔開嫩蕊香相傍半折雕
欄醉欲凭舞罷柘枝真不忝歌貽桃葉亦何憑琴調鸞鳳
憐司馬羹憶鱸魚感季鷹白牡丹須絕世立青驄馬更喚
郎乘晶晶銅鏡櫻唇點灼灼金環珠腕繩却許連篇成自
雪休將雙淚落紅冰樓臺曲折歌聲靜杯箸從容暑氣澄
自分烹茶推陸羽莫因逃酒笑黃丞牆頭綵勝拋無數座
上青衫濕未曾唾盡擊壺俱壯士詩成刻燭實多能三郎
豈負三生約一字堪當一束綾野霽恰看金電散晚涼又
報火雲升橋邊估客催乘筏溪畔遊人唱采菱頃刻晴空
懸皓月尋常估債賴良朋烏棲高樹啼將起露滴仙盤落
更承醉臥已教君莫去狂歌未免俗猶憎

送從祖次魯司李台州

太傅鳴珂出帝畿手傳鸞詔載青旂薰風漸入蓮花幕旭
日初開芍藥圍竹馬來時玄霧降板輿行處白雲飛潮通
滄海聯朱塢霞映蓬萊拂翠微最喜日邊人獨近從教天

下貌皆肥支王講道交原密

幕中史長惺先生有仙術

劉阮尋仙願不

違

劉孔昭先生亦將隱天台

共道坦之多令器豈知仁傑有遺徽棠陰

聽獄風仍在渭水祥刑事本非殿上擊蛇纔賜笏堂前戲
綵又傳衣平反有象金魚動斷決無辭玉塵揮甘雨三時
隨步障福星一路啓園扉真聞虎署人揚善豈有鱣堂歲
苦饑別向石頭還宿宿夢遊天姥但依依何時得附堦前
樹遙指三台盼德輝

上石觀察三十韻

代

憲府高懸冰蘖聲始知嚴助厭承明地靈鍾就三江勝家
學傳來萬石名裴度未須求綠野謝安勉亦爲蒼生祇緣

桑梓原非遠不惜甘棠在此行 帝曰江城鹽澤地汝提
郡國羽林兵豈知小試逢盤錯反以多艱答太平千里安
瀾兵氣盡三台輝耀使星并遙傳上畧中丞幕兼借前籌
太守營歛爾單車消衆壘依然千騎擁連城牙檣畫靜天
如水金析宵寒月似晴援鼓軍中真不戰褰帷郭外已全
耕極知兵樂民尤樂總爲官清吏亦清未午懸知堂自寂
方秋幾見獄曾盈門存嘉石誰甘望邑有閒田不敢耕以
此兒童知姓字兼無佐史學逢迎佩刀每爲王祥贈乘月
還同庾亮情自是和衷寬禮數相期努力協官評聞風解
綬驅貪墨望日彈冠網俊英抗疏由來推汲黯論詩更欲

比韓嬰玄言濯濯願俱解雄辨霏霏座亦驚桃李春風花
爛熳鯤鵬秋水浪崢嶸一時冀野駒無價遂使延津劍屢
鳴下里聲歌何足數西州涕淚却頻傾斯文山斗空衣鉢
吾道干城託鑑衡自愧爲貧同鄭老敢云稽古似桓榮猥
蒙矚眎官非冷倘得飛騰志或成聊以青瑣厠講席難言
朱瑟比吹笙登堂如對循良傳退食應無鄙吝萌視草漫
然太乙杖看花空憶上林鶯他時附鳳如堪許不盡纏綿
此報瓊

寄贈吳子遠先生令奉化

延陵代有廟廊珍茂宰冰譽邁等倫先世衣冠翔杏苑早
年名字達楓宸花吟供奉詩無敵策對江都筆有神珠玉
揮毫原避俗雲烟落紙卽驚人文辭不獨如劉向治行還
兼似賀循暫擁寒璫官俸薄已聞絳帳士風淳毘陵泮水
看鱸集歷下巖封望雉馴利器何難馳驥足大才終必振
龍鱗南宮俊網羅伊呂東海新矧降甫申佩犢佩牛纔弭
盜栽桃栽李更留賓祝阿瑤篆功方奏越嶠銅章命忽臻
地瘠豈無彭澤米官清遙接萊蕪塵芳郊麥秀桑同發訟
閣人稀鳥自親經術由來尊祭酒交情可復念垂綸幾年
顛倒劉蕢老衆鬼椰榆原憲貧少小羽毛勞剪拂此生頂
踵屬陶甄會叨玄晏言爲重轉笑陽元相未真壯志已甘

隨燕雀衰顏無計入麒麟夢中亦憶花源路雨後應回黍
谷春勉矣吳公須第一他年野史傳名臣

讀白香山詩十韻

有序

白香山善學杜者也杜詞宛而白過直杜意蓄而白
過盡杜用事隱約而白過分明或疑學杜之過然不
如是不足見香山之杜以爲必似杜之宛之蓄之隱
約則有似有不似有小似有大不似矣香山人蜀望
浣花里而祀之元微之亦云詩人以來未有如子美
者則元白意中何嘗不好杜抑何嘗襲杜哉今人盛
毀長慶謬附少陵烏知其異世同揆也元學杜而白
學杜勝之白學陶而其學杜勝之予嘗謂香山學杜
類狂北地學杜類狷今詩家則杜之鄉愿而已惡其
似也秋齋蕭遠朗詠連旬愛其冲鬯明快意到筆隨
不似今人點竄故實蒙昧性靈雖于杜微有不及而
吾卽取其寧直寧盡寧分明不屑屑似杜爲工則猶
廣陵散之未絕耳爰舉其大意質我同心無智出雞
林國相下也

漫道千年人已逝尚存百卷調逾高心情疑是仙兼佛

公少

好神仙晚學浮屠

骨味全同杜與陶大抵詩成聊寫意不妨興到

卽揮毫誇張吳越風光美

公歷刺蘇杭集中亟稱其勝

唱和元劉聲氣

豪

與微之夢得酬和甚富

疏受本能輕仕宦

詩中屢求致仕

鄧攸未覺少兒

曹

暮年以景受為子

最宜白髮傾黃耐更愛紅顏遠綠袍

所至多贈官妓

詩

家有孟光相贈答

贈內詩輒以德耀方之

客惟惠遠共遊遨

嵩山僧如

滿為空門友

匡廬長嘯尋幽徑

江州有廬山草堂

伊洛閒吟泛小舸

東都

有履道新池

何地何時無雅什一篇一句亦風騷譬如清水芙蓉出豈似隋宮剪綵勞

雪中臥病弼士貽書云日與綏人有剡溪之興書此

奉酬兼柬武伯爾默

芳齋殘臘足婆娑日日羊求不厭過永夜每宜詩遣睡寒

顏亦藉酒生醅自從一榻蚤為伴便覺空庭雀可羅春至

喜逢三白笑興來知共幾人歌同披鶴氅遊應遍誰許羊

羔酌最多市上渾無踏雪處城隅還得考槃阿梅尋東閣

何郎賞文聽南皮吳質哦

時武伯爾默招集同人予以病未赴

樂事因循知

益劇病軀僵卧竟難瘥推窗時一看瑤瓦飛絮遙憐滿碧

莎倘可衝寒寧下榻敢期乘興與同舸誇張不分狂言大

戲答聊將凍手呵更欲殷勤遺二妙重追高會却如何

讀王介臣澹菴詩集賦贈十六韻

華嶽雙峯萬仞攢才名遙並白雲端到來尺幅雲霞起直

作層霄翠黛看姓字廿年騰隴右詩篇此日動江干據梧

有草馳南北

介臣有據梧草南遊草北征草今彙為一集梓之

叢玉為齋集蕙蘭

又名叢 雁塔功名推早達 雞林聲價又新刊 夢回緱氏笙

猶憶 謂集中 夢遊詩 淚灑山陽笛 未乾 哭趙大臨 李麀堂詩 陳定灌園書笥

滿 園居 諸詩 劉蕢落第酒杯寬 落第 詩 小言觀道題螢火 螢火 詩 綺

句傳情寫藥欄 牡丹 詩 大約詠懷多感慨 偶然弔古亦悲酸

淮陰遺廟松楸老 過淮陰 廟詩 縣上無田烟火寒 弔介之 推詩 太液

池邊嗟露冷 樂遊原畔惜花殘 懷古 諸什 篇篇積玉生玄圃 字

字迴風激紫瀾 何必六經為註脚 會教諸子作衙官 金鑾

佇叶長庚夢 天祿須來太乙觀 幼婦自然稱絕妙 思王猶

且好譏彈憑君呼我同玄晏 欲序三都一字難

中秋前一日蓮池訪方子克不值留詠

不到君家六七年 重來槐柳益森然 柴扉葺戶規模改 驥

子熊兒禮數全 却怪饑驅元亮去 難教興盡子猷旋 登堂

頓喜幽居靜 肯構應憑世德傳 不分好詩盈壁上 恰逢明

月到窻前幾回吟 咏空搔首遽有盤餐列 滿筵舊圃菘葵

烹更美秋池菱藕摘 方鮮文輿小憩慈闈倦 旨蓄深知主

饋賢佳節明朝應 返權故交永夜好談玄 因懷久掌絲綸

者東省何人共醉眠 令兄子詒 官中翰

奉送中尊鄔夢陽先生兼用贈別一百韻

楚江人物當今最 鄂渚文章舉世推 才子青箱聯鸞鷲 詞

場彩筆走虬螭 華星夢向長庚卜 藜火書從太乙窺 秋鶚

早摩清漢影春鶯獨轉上林枝

公以葩經掇會魁

讎經祿閣推劉

向給札蘭臺待賈逵却為清時思卓魯先將巖邑練臯夔

真儒聊取牛刀試童子爭將竹馬騎偏以長才逢錯節無

妨不潤處膏脂看山豈為公麟畫入境經過朱邑祠欲剪

豪強先吏卒要扶良懦首惇嫠令行似水真無滯判出如

山總不移疆項董宣稱虎臥清心胡質畏人知力敦士習

驅陽鱗誓拯民艱戒繭絲勅法明刑焉用罰引經斷獄漸

無辭風前鼓操朱絃脆雨後褰帷綠草滋百里桑麻開夜

戶萬家烟火續朝炊試將異績詢輿隸無限芳猷勒鼎彝

農去納租何得得商來通貨也熙熙雞豚塢壁安常稅魚

米江鄉保舊貲

頌薄稅惜商也

為國添丁歸畎畝教民保甲靖潢

池花村月皎誰聞柝麥壠春深俱戴犁

頌審丁編保也

虹跨大河

車絡繹魚穿通市水淪漪橋成不羨乘輿濟渠濬重誇太

守陂

頌復子來橋濬桐渠也

黌序朱薨迎日動譙樓畫角任風吹晨

鐘旛舉人知學宵漏更嚴吏弗欺

頌修明倫堂改建譙樓也

磬鼓自能

休眾力得蒲疇敢狎羣嬉

頌輕徭禁傳也

漕規盡革千艘轉驛困

全蘇四牡馳

頌充漕蘇驛也

履畝戴星星閃閃隨車禱雨雨祁祁

頌勤荒禱旱也

文翁建學勤捐助克國屯田許便宜

頌建塾清屯也

夜火

生兒無溺女春泥踏伴少妖姬

頌禁溺女及游女也

雖遵庭議稽

欺隱猶凜官箴寓撫綏蘆葦叢中分丈尺荆榛絕處析毫

釐非關威德期相濟務使官民兩弗虧頌清文洲田不擾也髦士已

烝仍勸勞成王既格尚噫嘻水耕火耨躬巡歷暑雨祁寒

任怨咨牛犢買來盈下澗蒿萊剪徧墾東菑雲鋤澤澤濃

膏發翠野離離嘉穉垂畚鍤幾令人不測倉箱卒獲稼如

茨頌勸民墾荒也虛疑火烈同僑猛實善冬溫學趙衰循吏不嫌

兼法吏經師更欲作人師詩歌淹博張平子學術閎通韓

退之作賦體先分雅鄭論文理必辨醇疵昔陳賈策曾流

涕今說匡詩又解頤玉塵揮玄鋒截業銀毫判牒墨淋漓

偶從山郭搜丘壑便踞詞壇樹鼓旗金石光隨花爛熳芝

蘭氣挾筆葳蕤公初入桐有桐城八景桐署八景詩傳誦人口黃香江夏真名士

白雪陽春本楚詞水鏡在懸工賞識篝燈退食好吾伊頻

年三試羅多士一見空羣得異姿壁出藍田洵有價珠探

滄海信無遺頌校士也菁莪已誦文風盛桑土寧教武備隳匹

馬冒霜親校獵短裘帶月獨登陴野消伏莽萑苻靜巷叶

鳴絃麥穗岐頌訓武城守也命駕猶虞朝不夙求衣數問夜何其

雉馴野外那須鶴桑滿牆頭自種葵柘影斜時鞭社鼓竹

聲爆去祝春祺政傳牟宰卑三異最報河清踰十奇梁上

懸爪棲玳瑁盂中置水徹琉璃訟堂人散花陰綻臥閣官

閒日影篩啓事屢曾登象簡紀功因得到龍墀公膺中丞之薦紀錄

有傳家奕葉惟清白砥俗孤標肯涅緇大阮烹鮮饒惠澤

尊仲父期仲先生 昔令仁和多善政 小馮製錦倍恩施 鰕生自嘆乾坤窄 鴻

跡長為湖海羈 名比半千雙 頰熱年過三十二 毛衰昌黎

薄命宮磨蝎 蘇軾招尤宿 直箕任運分為天 末客成名一

任里中兒 曾依油幕身 經歲得拜冰 廳政已基 公下車一載江始自

濟幕 歸 旅食驚聞傳 德化鄰封思 欲觀光儀扶 風帳裏從游

眾立雪門前 聽講遲好士 偶然先駿骨 傍人未免妬蛾眉

途窮謬辱金 篋刮班列 還叨玉筍追 玉筍三集拙作皆蒙見錄 溲渤詎

堪稱 沉瀆駑駘 輒復目驪騏 江季試蒙拔冠軍門人高三生華楊生鼎亦連擢第一

都賦漫勞皇甫 五子歌難比 項斯 江與同學許子來惠齊子邦直張子杰張子英

有龍眠五子詩義之刻 蒙賜弁言獎借備至 當代參苓歸 藥籠半生頂 踵屬鑪

鍾飛騰 莫奮垂天翼 齷齪終成測 海蠡昨歲衝 寒驅黑衛

霜天乘輿入 黃蘄懸魚徧 說為官好却 鯁因知有母 慈萱

草忽萎 雲鬢鬢 蓼莪欲廢涕 漣沔支床讀 禮存雞骨奪 席

談經撤虎皮 素鞞樂樂看 荻畫白華曄 曄補笙詩何 堪別

入江淹賦 正值秋深 宋玉悲父老 一錢爭欲獻 仙郎兩袖

竟何裨 攀留空有千行淚 歸去仍無三徑資 蛟水江寒催

遠櫂鷓洲霜 重老香薜轉 嗔叔度來何 暮不待君公去 後

思北海滿郊 蠶四熟淮陰夾 轂鹿雙隨載 將巨石成何用

挂却胡床付 阿誰齋馬可 憐多菜色飛 鳧竟不到瓜 期河

陽愛把花為 縣麴令生憎 石作碑漫道 盛名難繼美 長存

治譜詔來茲人希起復拔車轍獨盡哀思守總帷借寇心
同情更切留君計拙數原奇敢云幼婦裁黃絹不分神君
衣墨齋柳暗郵亭休折取鴉啼粉堞亦淒其鄧侯一去知
難挽杜母初拋不忍離謳誦萬聲喧祖帳圖書數卷冷旌
麾麻衣暫且還苦次繡袞旋應入鼎司宣室溫綸終不免
普天霖雨更無私陶公再過樅陽日召伯重看棠蔭時不
識舊時桃共李郊迎若箇到江湄

恭紀

聖駕臨雍釋奠二十韻

康熙八年四月十五日

盛代右文臨璧水冲年訪道憶崆峒禮官卜日承優詔

聖裔先期集上公騎煖桃花霑夜雨旗翻楊柳帶春風銅

壺漏寂鐘初吼寶幄雲開日正曈鳳輦甫來香靄靄龍旂

纜駐鼓逢逢樂分孔壁金絲盛奠釋瑤階俎豆豐伏挺講

堂槐弄影次宗學舍栢成叢千官劍履珂聲靜四庫圖書

錦幟工須使期林歸術序豫知教胄在童蒙摩挲石鼓鴻

都市點檢牙籤白虎通樊郭小侯俱肄雅老更弟子盡呼

嵩西雍獻頌誰班固東觀窺書有馬融視草久聞誇史筆

解頤今見徹宸聰廣平作賦推都講

大司成宋

元凱談

經敵侍中

少司成杜肇餘先生

首闡義文宣道奧再陳堯舜啓

皇

衷

兩司成講易書各首章

俱從劉向然藜閣不比徐無祀竹宮

天

仗欲回清警蹕司常未撤響玲瓏共傳太液恩波闊特許

甘泉錫宴同袍賜宮衣看杜甫

大司成以下賜宴賜衣

金頒內府羨

楊雄

賜國子生金

環橋亦有旁觀者彷彿鑪烟繞聖躬

寄戴令及學博

戴子官崑山分校浙闈稱得士甫出闈而生子之報

至詩以志喜

吳江楓落客還槎報道鱸堂喜氣賒鎖院秋風收竹箭塔
庭夜雨長蘭芽試啼已見三枝秀過眼寧教五色遮繡祿
送來惟孔釋朱衣點得幾侯芭海中仙果真英物越國人
文總大家合浦珠光還老蚌豐城劍氣動鑊鉞養成鸞鷲
翔丹穴選就龍駒起渥洼秋到纔生瓊圃樹春明都看曲
江花揀金却有金銀出種玉還將玉筍誇他日新昌傳盛
事鯉庭桃李更無涯

木厓集卷之二十三

終

山蘇軒金味育金題出蘇
木厓集卷之二十四

五言絕句

春日飲田家

布穀催耕急提壺勸飲忙
一般吾較適慚愧爾行觴

昭君怨

回頭望昭陽大義當永絕
猶聞殺畫師憐才心未滅
妾命信爲薄漢法未爲是
寧同可汗眠不守長門死
使回附一言國士不易識
勿復倚他人好德如好色
畫師賂不成君王贖亦杳
兩番盡成空總是黃金少
黍丘陳子開明府屢以酒
物見餉走筆賦謝

縣小輸公薄官貧餉客殊腐儒無寸補消得館餐無
穆醴盈尊至馮魚入釜炊可知羈旅意爲乏草堂資
夜入鷹阿

落日晚銜郭騎驢夜入山多情有秋月送我到柴關
送春

預恐曉鐘催無計留春住紅綠盡皆春春歸何處去

蘄水道中日暮

早行天漸明晚行天漸黑途長馬自知路小人誰識
計程僕夫曠問路行人倨遙遙聞犬聲知是投宿處

采石

青蓮衣宮袍捉月捉不得至今留清輝誰與照顏色

農夫歎

遲稻旣苦早早稻又傷霖雨暘何適可難稱衆農心

宿茅庵

秋風曉更涼一覺可至午無那小沙彌未明考鐘鼓

采蓮曲

携手入蓮塘纖纖動雙槳密處采摘多小艇好來往
朝見采蓮來暮見采蓮去霜風一夜生水冷人何處

報恩寺僧房喜張夢敦至得家書

作客方彌月離情望遠書細詢別後事只似到家初

夏夜納涼

涼宵天似水河漢照人明葉底流螢影堦前落果聲

望金山

鬼斧劈孤柱真形露一拳海氣連江白年年湧鐵蓮

舟中聽雨

秋雨來何際隨風到客舟愁人渾不寐點點滴心頭

灌園十咏爲汪瑤若賦

鏡香軒

分明一陣香是荷還是水莫向鏡中猜香在此軒裏

陸舫

盪槳雖無聲停橈且高卧居然有繫舟不畏風波大

隱綠亭

千箇綠琅玕共覆一亭子中有抱膝人呼之蹶然起

桐砌

日長莫據梧微吟步叢樾疎雨一雪過宛然見新月

荷池

清池動涼颺荷葉何田田好挈采蓮女共泛采蓮船

榴窻

濃陰纔滿地艷色便傾城似惜雞窻寂紅粧照眼明

竹溪

水月集二十四
菘竹本無心溪流漾微碧好尋垂釣處一招名利客

汗樽

誰贈老瓦盆天然不用斲長鯨汲百川未若此中樂

藥欄

種花繞砌生編竹隨堦轉何須百寶欄蜂蝶自驅遣

聽秋廊

我是悲秋人逢秋不忍聽秋從何處來長廊斷人徑

江家灣書所見

携手入桃花低聲喚阿妹回身急避人羞面不羞背

晚秋夜坐

寒宵人影靜徙倚步簷楹霜月欲無色秋虫忽有聲

是夜初聞

蛩聲

大羅庵午睡

僧厨泉到笕鳥食粒分香坐聽齋鐘罷秋風午夢涼

松聲閣早起納涼

曉色望中迷涼颼到檻齊鶯啼多樹徧蟬抱一枝嘶

招綏人小飲

綠竹涼風生梧桐新月上市酷且須賒况復傾家釀

蠅

涑玉方知玷沾衣更點緇炎寒如轉轂逐熱竟何裨

螢

帶雨闔還開隨風散後聚宵行恠底忙祇貪草頭露

蚊

長喙如芒刺轟聲似鼓雷秋風一旦至何處委塵埃

鼠

虛疑廁數驚誰謂社難灌任爾泣血憂終焉抱頭竄

蟻

未雨成封壅逢腥滿壁沿虫尸纔一股分得幾多羶

蟹

眼逢火便投背帶甲如環雙螯會見持漫倚橫行慣

鷹

三冬饑欲死萬里飽先騰健翮雖無敵辜恩亦可憎

烏

城上尾畢逋下視惟側目寧飽富家梁莫喙饑民肉

狗

尾欲將貂續聲疑與豹同如何堯是主翻助跖與戎

豕

檻中黑面郎饕餮不知止狀貌本貪污莫怪肉食鄙

偶

紫燕銜泥落蜻蜓觸網驚雙虹垂欲下一鵲去還鳴

車上誰家女紅顏何婀娜但愛牛如飛不怕花枝鞞

下馬琉璃河疾風揚灰洞歎息人琴亡車過腹已痛

易州旅店飲易酒懷古愚

易酒甘尤冽沽來細細傾何當共齊澣一飲如長鯨

酒豪之日 古愚素有

都門午日程源公邀集平樂園觀劇醉中口號

結客來呼酒樽前讀楚騷茫茫燕市裏或恐有荆高

劉隣河孔霽菴兩太史見過

絳紗門下士並轡訪烟蘿贏得隣家問高軒愈湜過

睢州銓部門人 劉孔皆馬

蘆溝橋

驅馬渡桑乾烟籠雙鳳闕但有黃沙風不逢清曉月

為京師八景之一 蘆溝曉月

訪隱者不遇

樹眉榜嘉名似得烟霞趣云何芟荷衣尚受風塵汗

痼疾四字 烟霞

山光仍淡冶水色自澄澈壁上挂胡琴餘音猶未絕

華及堂四詩為汪晉賢賦

大雅集卷二四 五言絕句 六

竹軒

抱膝俯晴軒，纖塵不敢澆。門外何客來，誰共此君坐。

蕉牕

誰分髣几陰，暗送紗窗雨。風來綠婆婆，似為人起舞。

石雲居

雲來石不見，雲去石還霧。定知此非石，卽是雲棲處。

金粟玉蘭舍

好花錫嘉名，莫道金玉俗。丙舍昆友俱，此是真金玉。

謂晉賢與

令兄周士令弟季青也

六言絕句

木山田家

兩座橫山當戶，一泓高賽

湖名

堪漁湖汊葭蘆掩映門庭

榆柳扶疎

插禾自罨盃飯，采柳學焙芽茶。累世農桑生計，一村烟火人家。

贈友人隱居

半畝宮纔環堵，三間屋恰向山。棐几湘簾清雅巾，車蠟屐蕭閒。

王甕亭以何雍南程千一所選文槩見寄

虞山詩集四函

列朝詩集分甲乙丙丁四部

京口文槩八卷藏之石室

名山猶存一代著撰

贈友

種竹栽花受用批風抹月生涯爬臂還須鳥爪鬪碁何必龍牙

讀陳克叙新詩

宰縣雖乏百里吟詩獨溯三唐刻紙霏成珠玉胡琴彈出宮商

風塵不屑爲吏標格更過於詩疎雨微雲自遠蛇神牛鬼何爲

示大羅庵沙彌

門對山田從改茶乘春日教鋤一室香燈須續六時梵誦休虛

方素北表弟以浮山全集見貽

半生劫火無恙九死冰雪猶寒天崩地坼僅見鬼護神撫不刊

聞綏人生子走筆奉報

綏人時授經黃溢

昨夜燈花吐穗今朝玉樹生芽孔釋果然抱送商瞿枉用憂嗟

曾作蜂來疊句懸知燕賀盈堂詩成還要摩頂喜劇真書

弄麈

蓬矢桑弧一對錦綉花
祿三朝授記莫尋寶誌
試啼且喚
溫嶠

春米好作團餅洗兒速
辦蘭湯來日登堂取醉
拚教一飲
千觴

木厓集卷之二十四 終

木厓集卷之二十五

七言絕句一

招滌之上人

爾住浮山第一峯
碧空高削玉芙蓉
攜筇欲問桃源路
猶被烟波隔幾重

秋風橫黛逼層霄
一水盈盈咫尺勞
今日淵明將入社
可煩惠遠更相招

將登浮山遲許胤伯不至

許椽向來誇濟勝
潘郎已不耐閒居
空攜舊日登山屐
更到荒村賣酒壚

月夜懷王暄文

習習涼風過草萊柴門寂靜暗中開
剡溪雨雪邗江月望爾扁舟乘興來

贈妓

辜負明珠裹碧綃麗詞豈向雪兒挑
自憐不是章臺客一任傍人折柳條

九日登浮山絕頂醉而歌此

醉看紅葉作茱萸客裏登高仍酒徒
落帽風流千古事龍山還似此山無

送吳左賦應試和州

幾年獻賦尚垂綸亂後功名早致身
若使桓温容景畧豈令捫蝨謁苻秦

賦得翠屏宜晚對

新削芙蓉望欲垂濃如葱指淡如眉
分明積翠涓涓滴不似陽臺暮雨時

青螺駘蕩氣氤氳煖翠初凝日已曛
卽此便知春色遠不須重憶卓文君

除日與陳二如論詩因誦方爾止憶內作嘆其老朴

真至二如亦誦其寄內詩辭旨相等予因捉筆強

爲效顰聊示內子一笑不足爲二君道也

老去牛衣一腐儒
年年相對舊頭顱
今年好事全看爾
贏得懷中明月珠
時內已娠
數月矣
臘盡春來獨掩扉
十年燈火壯心違
亦知金盡寧借隱
免得歸時不下機

觀燈口號

黃昏結伴出城隈
月下金吾夜夜開
不信廣文齋獨冷
龍燈爭向泮宮來

緩步商羊強散懷
蒼苔不繫破芒鞋
逢人却問燈何往
道是前街與大街

五宅傳柑蠟作薪
呼奴入市喚燈頻
自言佳節酬神愿
亂擲青錢不顧人

隔巷纔聞擊鼓聲
百千羣擁勢如傾
村氓雙足全無著
只似乘雲空裏行

月下凝粧縞素裳
出門剛遇少年郎
行行且止緣何事
恐被兒夫說短長

燈火如珠月似銀
巧移暗裏獨藏身
昨宵只恨雲遮月
到此朦朧亦避人

別樣裙釵新樣眉
衆中語笑有人知
誰家姊妹嬌相喚
錯認三姨作八姨

油卜蛛絲事不虛
桃花結子趁春初
他家爭帶宜男草
拾

得龍鬚草不如
歸來覓伴更同行
回首猶如不夜城
鄰叟那知亡國恨
問予可得似南京

有感作

鸚鵡簾前喚夢頻
牙床婉轉怯生嗔
可憐飛燕新承寵
忘却當初射鳥人

海棠睡覺鎖雙鬟
阿閣鶯花鎮日閒
不是祿山頻犯闕
馬嵬安得葬紅顏

亡兒仁桃生日口號代哭

一杯濁酒一枝香
持向春原墓草荒
記得常年逢此日
新衣新履拜爺娘

友人納姬維揚招集賦贈

邂逅賢星集滿門
鏡臺燒燭照花繁
新聞絡秀宜鳧雁
不覺頻傾午夜尊

風搖銀蒜綺疏低
香滿金鑪畫閣迷
夜半無人私語密
周郎慎勿醉如泥

邗上風流妬洛妃
于今始得咏雙飛
積薪棋勢傳應遍
司馬琴心願不違

月沒參橫翠帳中
羅衣步步引香風
勸君早種宜男草
佩向桃花落淺紅

紫牡丹為人所摧感賦

牡丹數種紫尤奇
干法求來百法移
何事含苞剛被折
慘於折向欲開時
每當雨後憐枝潤
更喜晴時覺蕊敷
從此霜晨與月夜
可堪頻到後堦無

白傅篇中詠物辭
最憐雨後牡丹詩
高人猶為衰紅惜
何

况含苞未吐時

白雨後牡丹詩云
夜惜衰紅把火看

祇道經春花定艷
誰知未雨萼先摧
紫袍金帶應無分
天

遣名葩不得開

花名紫袍金帶

贈歌妓玄英

蕭齋梧竹稱佳人
雨後笙歌滿座春
莫怪燕泥汗粉黛
新

聲自足落梁塵

時梁上燕泥乍落

青蓮集內金陵子
工部詩中黃四娘
爭似雲英仙女伴
藍

橋橋上擣玄霜

白紵歌殘曲已終
懷人欲語淚先紅
不堪話向分飛日
腸

斷春江烟雨中

怪爾餘音與淚俱
却緣春思在靡蕪
幾番說盡眉猶蹙
自

說羅敷自有夫

英已歸某某坐法陷
獄英猶念之淚下

喜甯澳公自九華
來訪即送其還里

楓葉寒江夢亦驚
竭來見爾渭陽情
那堪風雨停舟後
三

日徒行始到城

九華自昔稱奇秀何事欣同披雪遊莫掃蒼苔尋古字看

來得似謫仙不

時與澳公遊披雪洞

山城臺榭總丘墟便是盤餐亦不如歸去老親應借問客

囊攜滿右軍書

澳公攜吾鄉人書筴甚多

寂寂蕭齋起曙鴉雨中惜別為思家他時倘有瓊瑰贈不

若姚黃魏紫花

澳公許以牡丹見寄

深秋雨夜有懷方爾止石莊

九月初邊重九風竹聲淅淅滿牆東垂簾閉戶寒猶慄何

况荒村草舍中

負郭山莊半草萊十年前此讀書來于今老大重經過多

少滄桑亦可哀

親朋一月酒頻傾每日詩成在五更此夜無朋兼乏酒苦

吟應直到天明

南舒旅店

出門百里即舒城官路荒田總未耕最是攪人眠不得南

將一夜子規聲

南將舒城地名

鳳陽雜詩

一代河山爭拱護千年魂魄想飛騰蓬頭伏地君知否不

敢時冠謁祖陵

碧甃朱欄自一時曉鶯千轉轆轤遲可憐宮井深如許百
姓人家費縷縻

桃花店

沙路垂鞭信馬蹄片雲何意雨如絲桃花店裏桃花女除
是春風再訪時

派河驛

廬州人呼
派爲排

百道河流幾派清路人遙指驛爲程如何近北聲多舛要
把河名讀作平

無題

送送臨風淚未銷催人恨別是蘭橈此行倘折東堂桂燕
子樓中貯阿嬌

底事乘舟怨落暉秋江分手惜芳菲鹿門若肯偕吾隱何
必區區衣錦歸

病入新正

常年元日厭追隨無病還思托病辭爭似今朝真抱病不
高枕臥更何爲

新年飲王鄭二老嫗有感

尚存王鄭雙鬟在合計春秋百五旬

王嫗年七十六
鄭嫗年七十五 憐汝

不徒因老病高曾祖母汲炊人

題河邨集後

曾教吾友按全集僅見賢郎扇偶題何事舊京纔授梓遄
歸故國不曾攜

方井公許爲予覓全集未果
僅于扇頭見務旃錄數詩

借向高人手自披

方爾止亟爲稱
賞因得假覽

多刪歡樂少刪悲如何

最是難刪處讀至終篇絕命辭

春宵細雨挑燈錄似覺空中聞鬼哭從此蕭齋痛飲時將
來當作離騷讀

梅花放蕊紅纔謝萱草抽芽綠又長抄得河邨詩百首今
年差不負春光

喜昔年所種蘭將開

春來蘭蕙滿山隈買向樵童負擔迴爭似三年前種得年
年倚石數花開

二月初九夜許綏人見過論詩

我輩同心復幾人烹魚剪韭莫嫌頻春來獨酌同茲酒但
覺君來飲較醇

與子挑燈讀異書春闈此際正紛如不知誰對天人策閒
殺清宵兩仲舒

題龍山主人壁

地偏兵賊經過少路遠親朋惠顧無只是征徭逃不得萬
山深處有追呼

憶舅家牡丹

舅家木芍藥花開歲歲招予對舉杯此日花神如憶舊定
應怪我不曾來
也曾遍乞東鄰種移向荒齋如法栽自笑從無一似舅花
猶難似舅家開

偶以胡麻餉杜杜若兼索其書杜若走筆賦謝戲答
之

愛君書法走龍蛇雨後揮毫應更嘉莫道右軍鵝換帖輕
將今日換胡麻

月夜同胡農師方井公陳大匡侍宴松聲閣限涼字
雕欄繞砌藕花香綠酒浮杯竹葉涼只當新晴微雨後倩
君同侍板輿傍

九日飲月下

攜酒登高興已闌閉門鎮日不成懽何妨飲就空階下只
作中秋玩月看

和石辰臣桐署八景詩爲尊甫仲昭先生賦末首專

美辰臣 步原韻

山城晚照
茂宰琴堂傍郭開斜陽曲曲到牆隈莫疑化日長如許照
徧窮簷蔀屋來

夜告秋月 夜告署
中堂名

何必堂前訴晚風知君堪作主人翁請看月色清如水久矣傳神阿堵中

行春競擁車前鵲退食閒看濠上魚千載南陽懸鯉後清風今又到龍舒

茂林馴鹿

武皇東海雁來賓魯令中牟雉亦馴爭似鄭公方道鹿重來山郭繞朱輪

槐鄰餘蔭

手植三槐在古秦却憐鄰蔭一番新祇應欲作桃和李栽滿河陽不惜頻

栢蓋午張

婆娑翠蓋影全鋪向午風生葉更敷早晚郎官登栢府羣鳥依舊往來無

梧井秋月

轆轤千轉夢初殘半入朝厨半藥欄賴得仁風披拂後井梧秋盡不知寒

蕉窻夜雨

公子吟成烟雨叢揮毫真得阿翁風春蕉有盡思無盡莫笑巴人和未工

代女郎懷人作

雨後長堤濕碧苔垂鞭不語疾歸來傷心入戶空房寂玉
案猶存玉鏡臺

記得春雲罷遠征留君湖上采芳蘅須知此別情何似却
似長安萬里行

冬煖

驛路晴風噪曉鴉負暄猶惜路途賒遙知梅蕊先春放辜
負家園無數花

夜寒

把酒圍爐猶未煖將裘覆被尚嫌單故鄉亦有風和雪不
信梁園如此寒

宋牧仲以家醞見惠走筆戲答

古寺寒宵酒未沽送來一酌勝醍醐梁王曾罰鄒陽酒得
有香濃似此無

夢亡弟子厚

廿年兄弟廿年別一別終天逝不回祇道家鄉常有夢如
何解向菟園來

夏邑道中

雪後泥塗凍未消何人持斧似山樵黃河不少玄圭錫只
要家家積柳條

平原邨落聚居稠百尺嶙峋在上頭可惜四圍茅屋破祇
為避賊築高樓

蠟梅

色香怪與故園同乍見令人歸思忽却笑膽餅無覓處和
枝插向酒餅中

醉後走筆留別女郎惜惜

游子思歸迴馬首佳人悵別蹙蛾眉如何學就江南語不
學江南唱竹枝
纔聽歌聲憐惜惜便驅祖帳向勞勞他時黻佩如相遇只
恐安仁已二毛

除日

十載窮愁生計衰每逢除日亂如絲今年却喜偷閒地羸
得僧房想舊詩

歸里門

自是依人生計違梁王勝事已全非歸來莫笑遊裝薄詞
賦盈囊雪滿衣

浮山

浮山山下水滌洄隔岸逢僧笑口開道是廿年官不到雙
鳧獨有葉公來

江村有鬻小瓷盤者購之感賦

木犀集二十五
瓷盤清淺碧如瑤絕勝哥窰與定窰却怪陶人無忌諱紀
年猶註大明朝

寄一無上人

五年前寄遠公書今日重封仍寄渠不識他時還會面碧
紗紅袖定何如

徐州送王承軒還里次李佳木韻

炎天如此客猶寒無計留君十日懽莫怪遊裝歸較薄一
鞭西去似君難

七夕贈妓文娟爲李性若孝廉賦

雲龍山下杏花殘何處初來白牡丹應爲黃姑河畔久雙
星不耐一人看

看罷殘棋爛斧柯千年七日本無多安知牛女經年別不
似人間一夕過

七月十五夜對月

獨看槐影度層樓又過彭城半月秋料得閨中長嘆息藁
砧爭不大刀頭

呂亭道中

莫怪書生好遠征出門難禁別離情五年四走舒廬道北
峽關頭第一程

署中憶家園梅花

十月江南梅始華幾枝踈影上窻紗官齋老樹橫牆畔只
當寒梅未著花

元夕署中口號

濟上元宵徹夜譁家家門巷點燈花却嫌刺史風流少皓
月當空退晚衙

蓮花小瓣踏天街剛到黃昏月滿懷深巷短棚燈火密背
人先自穩鸞釵

春燈夜半湧鰲峯火樹銀花圍幾重北地鐵沙硝粉賤霎

開十丈紫芙蓉

紫芙蓉
菊花名

河畔淤泥與戶平遊人只恨路難行不知水底撈泥者星

月何曾看得明

時連河有
挑淺之役

銀箏銅鼓二更時正好看燈唱竹枝底事金吾新禁夜北
來消息少人知

故鄉燈節足盤桓每到春來却懶看只當石經齋裏客開
窻獨倚月闌干

程顏益以徽墨見贈賦謝

多君投贈比琳琅數笏雲烟滿豹囊漢室隄糜知不少何
年始給僕丞郎

魯故宮

堯郡西偏夕照斜魯王宮殿爛如霞可知今日充闕餉賣

與尋常百姓家

贈郭生

生沂人新婚甫一宿以事來濟匝月于其歸也詩以贈之

昏黃迎婦平明別恰似天孫一夕過從此月明虛幌靜星橋夜夜渡銀河

歸去纔經第二宵何曾細看董嬌嬈好將一路春山色斜

倚晴窗筆筆描

新婦董氏

送方子謨還里

尚擬連牀同大被那堪分袂送斜暉射蛟臺畔鶯花老屈指春歸人也歸

官齋八咏

栢

春深翠栢始森森

日濃於一日陰莫怪從前憔悴甚不

凋猶見歲寒心

槐

歸心那復待槐花祇想清陰處處遮却怪北方春意晚東風不遣著萌芽

桃

綠密紅繁二月天一株桃樹領風烟滿園春色全憑汝又被蟲傷亦可憐

榴

吾家榴樹後堂隅絕勝官齋十數株想到花開爛熳日主人應得到家無

鶴

孤影亭亭悵夕暉華池飲啄豈愁饑祗緣遼海無消息欲向雲霄自在飛

鳥

歸飛啞啞復提提何處枝頭不可棲自是栢臺枝較好春來樹樹有鳥啼

鸛

三月春深不作窠飛來飛去欲如何故園猶幸無鳴鸛免得空房婦歎多

鵲

望斷家書到轉遲却將何喜報人知春眠不用雞啼曉日日披衣鵲噪時

亡弟子厚忌日

弟以崇禎壬午年三月十四日卽世

可憐吾弟赴黃泉彈指俄經二十年豈料今朝猶有後昨來入塾拜堂前

予以仲子爲之後是月初就外傳矣

阿婦松筠節彌敦三年前亦葬貞魂九原若得重相見孤女應知有外孫

女適姚子注若今抱子矣

懷何武伯家木筆花

何家東閣白辛夷每到春來醉不辭聽說故鄉春雨惡只
愁摧殺好花枝
不獨春來花滿枝花殘新綠亦堪思自從賃與人家住一
任狂風疾雨吹

哭幼女阿柔

喜聞老母平安至瞥見詩題輓女孫忙展尺書看始信五
更痛哭自黃昏

血淚頻爲兒女枯廿年三度哭童烏如何又哭金鑾子獨
向任城官舍隅

雙壽堂前正送春暖風初試薄羅新誰知柳絮空搖颺已

作泉臺一月人

計至時女已
殤一月矣

未暮便已食饘粥上康聞染疾疴六十一旬通計取乳

時稀少藥時多

饑飽寒溫可自如纔聞生弟便憂渠若教一旦憑羣婢定
是寒多飽有餘

死經誰手病誰醫遠在天涯那得知阿母半衰生育盡料
應無復探銀時

兩年父子經年別學語凭行會得無只恐病來筋力脆茫
茫泉路喚誰扶

往歲喪子猶一訣今朝遙哭淚成血幾回欲罷復吞聲半

木犀集三五
為聰明半遠別

老友婚姻願不虛况聞得壻比璠璣晨餐忽落傷心淚使

者纔將阿舅書

予已與方象山為婚
適象山有書見唁

濟水燕脂色最鮮北京文布綠尤妍攜歸不省將何用燒

向墳傍作紙錢

自從司馬遷移後兔耳山頭孤塚荒今日妹亡重有伴新

悲舊恨淚千行

亡兒仁桃瘞兔耳
山今女復補葬

門外槐陰綠正齊朝來不分有烏棲雄能覓食雌能哺引
得羣雛啞啞啼

白門訪林茂之先生不遇

幾架圖書四壁詩客來翻怪鶴歸遲無人讀易西牕下日

午桐陰自轉移

木犀集卷之二十五終

木犀集卷之二十六

七言絕句二

以詩代書再從方君都索牡丹

曾從綠野乞花王廿載人傳小洛陽漫道桂林多勝事華
居又號牡丹坊

聞道中秋花始生花晨月夕兩含情來年此日花週睟定
許茅齋月倍明
也曾學法脂和種亦要除泥酒洗栽不管姚黃與魏紫花
時圖得一枝開

太湖道中

苔滑沙寒馬力慵板橋盡處石橋重分明一道河流水東
繞西澗處處逢

寒夜飲何道岑郡伯署中

昔年相訪歲將殘今日重來天更寒自是雪堂與雪苑俱

宜衝凍雪中看

昔訪道岑于梁苑亦在歲暮

題劉虞三所藏燕然勒石圖

峭壁千層瀑布懸此中棲隱足林泉書生得志尋常事勒
石摩崖亦偶然

黃州竹枝詞

黃州官廨踞崇巔坐看長江來往船山水中間親案牘當

年刺史是神仙

斷碣休尋赤壁賦遺書須塌滿庭芳竹樓一記人誰問待

詔聲名勝子昂

前赤壁賦趙孟頫筆也滿庭芳詞東坡手書竹樓記則文待詔徵明筆

皖城七百到黃州一樣鄉音辨得不忽聽隔牆姑婦語只
疑身在那城樓

蕪水花蛇醫減價麻城細布女停梭不知黃扇成何用一
把千錢直更多

傳聞啣火是烏鴉昨歲延燒幾萬家太守沿門親賑粟須

知汲黯勝欒巴

太守何道岑捐俸賑卹黃人德之

梓人墨客鏤琅玕婦女閨房亦解刊自是此邦多屈宋一

時守令領詞壇

時宦黃者皆能詩

千頭野鴨抱成堆孤雁生烹亦可哀何人射殺千年雀莫是東坡道士來

聚寶山頭文石多每經雨後任摩挲我來兩月冬晴久石亦無緣可奈何

巷北城南挂酒帘不嫌酸苦即嫌甜知他邠老何方法釀得香醪醉子瞻

日日朝炊望曉津風帆一滯釜生塵隔江舉火猶難待何

况天涯乞食人

黃人晨炊率仰希武昌

歲暮頻與王寶臣唱和賦贈一絕

客中世好倍情親來往詩筒唱和頻敢學松陵與長慶殘年難得兩閒人

紡績婆

日下蟬鳴猶未殘水中蛙噪幾時乾只有阿婆人不厭喚人紡織怕人寒

問君何事慮無衣豆架瓜棚生計微一到黃昏聲便急催他燈火夜鳴機

半晌急來還緩慢幾迴斷去復連綿饒伊夜靜聲如織未必驚回嬾婦眠

秋風初起授衣遲底事漚麻又紡絲怕到霜天鳴促織聲

水風集二十六
聲已是苦寒時
竹籠編就不成筐
挂向低簷短架傍
愛汝聲音防汝餓
瓜花忙殺小兒郎

結網蜘蛛枉用功
支機織女亦成空
莫嫌杼柚渠無力也
與催耕布穀同

生來機杼忒情親
永夜嘈嘈不計巡
從道吳蠶能作繭
可能喚起擲梭人

秋簟涼生好睡天
夢回驚見月猶圓
漸聞鄰火縑車響也
被婆心攪不眠

夜夜縑絲到五更
清吟祇合傍柴荆
貴家紈綺堆成錦
莫向豪華庭院鳴

長夏雙鬟學績麻
禦寒畢竟是綿花
老妻忽嘆兒衣薄
明日鄰家借紡車

次方還青韻爲王願五太史催粧

時中秋
前三日

東來彩鷁報清秋
恰有蓮花開並頭
早向瓊臺同看月
鍾

陵山下占風流

用文簫
中秋事

香霧清輝映玉姿
賦成金屋合懽時
好將五鳳樓頭手
細向妝臺畫十眉

冠蓋邗江選麗人
祇憑圖畫覓真真
幾人得似王承旨
廿四橋邊遇洛神

螺翠鴉黃待曉妝侍兒窻下疊衣忙無情最是花甄影偏
上珠簾寶鏡傍

杏子羅衫翡翠裳秋風環珮自生香移來閨苑瓊花藥不
羨人間睡海棠

莫談中秘舊朝班夢裏爐香憶 聖顏教得積薪棋品絕

新夫人西園今日是東山 太史新

亳州道中

昔年雪權倚孤蓬愛看江頭驢背翁好似灞橋圖一幅今
朝身在畫圖中

商丘道中有懷

曾策梁園下澤車班荆贈綰最憐予賈生 靜子死去宋生

牧仲宦屈指才名有二徐 恭十一

元日贈歌妓雲輕

倦酌屠蘇獨愴神紅顏忽報客中春聽他一曲清歌罷轉
憶梅花作頌人

鈿雀銀蟬玉蕊冠粧成不出背人看如何最是堪憐處獨
立空房小襪寒

自說排行是押班明朝東去領雲鬟無端忽問君平卜惹
得雙蛾蹙遠山

酒闌歌散太無聊算定花時訪翠翹再若相逢說相憶自

從元日到今朝

同張龍弼馬茂公曹熙載送別雲姬後風雨大作念
之

窄袖幫靴上馬輕狂颺忽起不勝情誰將飛燕衣勾住恐
逐天風返碧城

濟寧迎春日同吳素夫閒眺東郊戲書所見

報道迎春無好春我來只看看春人衆中瞥見嬌鬟立斂
袖亭亭別有神

不將脂粉鬪春暉淺碧輕衫襯縞衣最愛鴉頭全著素半
鈎新月白微微

倚牆邊倦欲慵門前窄徑斷人蹤盈盈一水渾無賴隔

却巫山十二峯

約莫芳年正及笄淡粧何事出深閨幾番欲去重回首頃
刻天台路已迷

贈素媽歌妓

雙擎紅玉舞婆娑暗送星眸媚獨多賺却滿場千百眼一
齊回首注秋波

輕如春燕艷如霞愛著緋青罩臂紗一種淡妝人自遠肯
將脂粉浣菱花

獨凭闌干斂翠蛾傍觀偏欲助清歌忽停檀板催銅鼓似

笑周郎誤處多

尊前一笑櫻桃綻舞罷雙扶楊柳低誰道南池春色盡黃鸝纔過畫樓西

贈藥仙歌妓

環珮應從紫府還妝臺鉛粉盡須刪羅衣頻拭非關汗要顯天然白玉顏

幻出箜篌別樣彈瑤池清絕藥宮寒前身合注蓬瀛籍不是飛瓊卽彩鸞

輕紗一抹罩烏雲換徧羅衫摺疊紋生怕織鈎人看殺故拖六幅掃湘裙

素黛遠山誰得似藥珠仙苑更須探昭陽第一俱無價莫

說排行有二三姬與姊素媽行居二三

早發濟寧諸子餞別酒樓觀劇

一曲清歌唱渭城輕風拂袖馬蹄輕黃鸝也解攀枝囀訴盡諸君折柳情

四明座上詩無敵太白樓頭酒易醺此地由來傳賀李獨

憐猶欠兩紅裙素蕊二歌妓佐觴

壽春旅店戲和壁間詩

一幅輕綃未覺芬幾回暗繫石榴裙恐君錯認桃花片不是漁郎渡口雲

安豐道中

千年義士有芳蹤
記得昌黎詩句工
舊壘祇今惟蔓草
無人知說董安豐

早行

東風二月日初融
睡起常驚失曉鐘
苦被雞聲催倦馬
一年春睡不曾濃

劉家口阻風不得渡河

登舟慣與石尤爭
湖海年年避水程
如何駐馬黃河畔
也有狂風阻客行

任丘道中

去歲寒凝團雪髯
今年塵起染霜毫
不須風霰頻粧點
久矣安仁嘆二毛

楊柳

楊柳絲絲綰禁烟
東風搓線攪成綿
飛來飛去遮行馬
不許征人拗作鞭

午日渡易水有懷屈子荊卿

靈均惜不遇燕丹
七首終難殺楚蘭
須識汨羅與易水
千年怨恨一般寒

龍華道中

邊城五月綠初齊
槐蔭垂垂夾路低
他日山房追憶否
龍

華道上聽黃鸝

題利國驛雙銀杏樹

利國驛前古寺門東西兩樹不知春老僧道是唐時物看
遍千年行路人

題友人自畫梅花

筆底能開花幾枝橫斜踈影故垂垂孤山處士如相伴號
國夫人淡掃眉

所南有土何曾著杜老巡簷始一開分明自寫天臺照莫
作羅浮夢裏猜

亡妻服除日感賦

庚戌七月初三日

暑年便讀子荆詞焉識人間伉儷悲今日靈前同一慟情
文都是斷腸時
安仁漫道歲朞周脫却麻衫心便休三十五年眉未展忍
將縞素一年酬

填橋烏鵲又驚秋銀漢迢迢慘不流天上雙星仍歷歷人
間織女棄牽牛

繩床孤影弔悲風白盡髭鬚一歲中從道衣裳俱改素如
何改得白頭翁

終年忽忽度昏晨卧起惟餘涕淚頻千古多情苟奉倩看
來總不解傷神

老去鹿門猶有伴年來鴻案已生塵鏡臺窗下薔薇死應
為憐花失主人

記得高唐重有憂豈知今日歲剛周百年死忌從茲數常

聽兒曹哭早秋去年此日北歸次高唐州

忍淚怕搜粧匣底傷心默訴蕙幃前他年知否能同穴再

傍靈牀一夕眠

壬子重三

三月重三春可憐報劉有志竟頽然一從泣著麻衣後不
飲流觴十四年

初夏枕上口號

草堂處處綠陰成木筆花殘芍藥明最喜醒來雙耳畔鶯
聲漸熟少鶻聲

梅雨

常年接水沸茶爐此日從他滿地鋪通計一年無甚雨要
令土脉起焦枯

夏夜偶為仁標仁樾誦放翁示子詩因依韻和之併
勗兩兒

我已雲霄壯志空立言期與古人同兒曹誰簾復誰適分

刻詩文報阿翁放翁詩八十五卷子子簾刻之九江古文集子子適刻之溧陽

夏日晨起示兩兒

力學須乘朝氣鮮晝長尤趁早涼天試聽黃鳥聲聲轉只在晨風曉露前

夏夜與方舒來露坐有感

坐到河傾月沒雲頻呼半臂覆羅裙教人爭不貽君笑齒少于君衰倍君

山莊口號

荷鋤野老挈兒童共說今年年果豐但要雨暘從我意渾如父母作天公

早禾耘罷下烏秧將到秋來百倍忙朝割纔完旋暮插撩青只帶六分黃

築得新塲鏡面平早收玉粒辦官征且圖輸輓千艘足未便思量百室盈

豆尋驢眼飯同熟糯覓虎皮漿易成誰把兔園陳冊子村童賺得讀書聲

秋前復脚最匆匆插下還爭頃刻功婦媿男翠循隴看今

朝不與昨朝同

鄉俗謂晚稻爲復脚

晚秧插盡貸鄰家水滿陂塘不用車辛苦十天秋社近又栽蕎麥拾棉花

纔輸稞稻償生稻便恐倉塲欲半空附得便船糶升斗且

將些子了包工

俗謂春間貸稻爲生稻傭耕者爲包工

老農傍晚餉魚食告我無非作苦言忽見僧房餘斷木商
量恰可斲犁轅

綠豆收完紅豆出白麻打盡黑麻生天公老手真無敵一
箇豐年萬寶成

魚美雞肥酒味醇東家飲罷赴西鄰不緣豐歲村村足爭
肯輕爲傳食人

千錢兩石包工直五卷三餐經主緣最喜夜涼將七月北
風剛在立秋前

偶閱陸放翁讀許渾詩之句漫次其韻反之

用晦當年仕本朝

許爲睦郢
二州刺史

了無事業老漁樵何如將相

功成日歸去風烟占午橋

陸詩云裴相勳名冠四朝許渾
身世老漁樵若論風月江山主

丁卯橋應
勝午橋

爲瑞光上人題畫竹

誰寫琅玕箇箇幽瀟疎如見武夷秋老僧面壁常相對不
用蒲團坐上求

聞鵲

小小聞鵲不解哀十分春色恁渠催于今人老方知戀怕
聽聲聲喚却迴

挽楊古度

七十年來老蠹魚書成日斷幾莖鬚那堪更赴修文召嘔

得泉臺血又枯

次韻和蒲亭催妝詩爲姚小山雙姬賦

曾泊潯陽江上船
蒲亭深處裊爐烟
元來吏散衙如水
縱爾花間賽寶鈿

仙郎本不愛新妝
紅粉何來恰兩行
若不衾裯頻侍寢
他年袍笏爭盈牀

寶髻雲鬟出內家
曉牕並臂問菱花
遠山只似匡廬好
不用青螺半點加

良夜猶添寶鴨香
侍兒傳語卸明妝
來年早叶熊羆夢
一弄之璋一寢牀

梁上懸魚又幾霜
肯容枳棘絆鸞凰
鋒車指日看同挽
共抱鷓鴣謁帝鄉

閨中樛木有深情
佐得甘棠治行成
從此仁風被江汜
生兒都以姓爲名

流蘇香暖倩誰分
總是江洲蘭蕙熏
何用彭郎更惆悵
大姑爲雨小爲雲

風流才子惜春宵
雙遣朱唇啓玉簫
不是河陽花滿樹
柳枝桃葉爲誰嬌

月下行吟何處尋

姚夫人有保艾閣詩

讓他分夕主恩深
須教一日

鳴三鳳報答求凰種玉心

小婦同行大婦攜郊禠祝罷笑聲齊春閨處處酣蘭夢不
許黃鶯隔院啼

送人謁選北上

芳郊雨後不飛塵又見東門柳色新僮僕也知柳老大年
年只作送人人

又和蒲亭催妝詩

仙郎黍谷方行雨賢媛藍田又種烟忽報香車連袂至下
堦親爲整花鈿

共學姚黃新樣妝二三難得定排行只看玉燕誰先夢便
坐金屏玳瑁牀

明珠不惜選良家要買宜男結子花次第十眉纔畫徧新
笄齊倩玉郎加

綺閣珠奩墨瀋香披幃問字待晨妝莫因署靜頻添線只
畫鴛鴦倚繡牀

江南江右渺星霜繫得紅繩兩鳳凰一任分風帆上下夫
人恩重不思鄉

青衫司馬太多情一曲琵琶聽不成何似香鑪峯下坐小
蠻樊素自通名

夜績何須燭影分春衫不用蕙香熏非關妝匣無臙粉只
爲官貧似史雲

贏得佳人各一宵秦樓誰復羨吹簫針神入夜天然巧桃

葉經春分外嬌

雙姬一盱水
一秦淮也

人種雙雙着意尋佛前細語拜深深願郎憐惜添郎喜一
瓣名香鑒此心

此夕香奩遠莫攜明年湯餅宴須齊來看蘭藥堦前茁併
聽鷓鴣籬竹下啼

過婦翁舊宅有懷亡妻

尚憶秋堦叢桂開清香滿院晚風催海棠陰下蒼苔潤曾
見雙鈎立月來
廳事東頭樹影斜朝朝拈線倚窻紗我自看書卿自繡背
人描畫是菱花

早禾

早禾早割乘中伏一石何愁直十千從此年年看刈稻巾
車斷在立秋前

夢入大羅菴同友人挽與疎禪師限疎字得數絕句

醒記其一

四大拈來總是虛與誰親熱與誰疎惟餘壁上雙櫻拂掃
淨魔空證本如

夢坐燈下填詞示亡妻尾聲有百子共團團百歲還
舉案二語似以自祝醒而自嘆枕上口號

百子稱觴百歲親彼蒼甚吝此緣因多男多壽還偕老只恐人間無此人

我年半百已神傷六舉男兒囚天殤分明兩句黃梁夢喚醒安仁枉斷腸

方竹西許爲作画久之未至口號趣之

城市何如山更幽居人爭欲覓蓬丘深山笑我無錢買乞得林巒且卧遊

五日一石十日水昔人論畫有微理刻藤半幅持向君屈指瓜期數月矣

落木空山人徑絕小橋流水潛鳴咽想應畫到白雲深留

取竹西自怡悅

昨夜同君策杖行夢中仙境似蓬瀛

夜夢與竹西入山訪友

登樓忽

覩羣峯霽料得雲林烘染成

偶讀龔山集中有路灌溝口號辨之

明農曾向大江遊底事詩稱路灌溝應是居人跡不到讓

他鷺鶴占芳洲

予疑爲鷺鶴溝若路灌則無所取義

贈張甥巨源入泮

阿翁弱冠游鄉校爾亦纔成弟子員最喜捷音傳到日權

聲依舊似當年

七齡失父憐甥幼廿載從師仗母慈今日漸看頭角起直

須奮翼到天池

清河簪笏本蟬聯舊占城南尺五天方伯詞林頻接武待君繼起是何年

弟兄齒髮恰相隨桂子纔看折一枝他日並騶趨鳳闕誰言二陸不同時

贈方甥乘時入泮

伯氏吹壘仲氏篋充閭已足慰慈幃何期鵲報泥金日正值鶯遷擇木時

時方移居

汝母劬勞聲暗吞年來只望汝飛騫三遷已遂教兒志八座何時報母恩

年少齊馳執苑聲阿翁泉下亦怡情好憑兄弟爲師友莫道陽元宅相成

桂林花萼最葳蕤誰似樓中兩白眉漫說青氈吾故物謝家還有鳳凰池

讀唐史有感

位兼將相裴中立身繫安危郭子儀看來數十年勲業只抵盧生一夢時

几上端硯旁刻元豐已未冬月製購之在丁丑之歲

攜之南渡復挈而歸距今將四十年矣感賦一絕

少小攻書買硯田祇今頭白幾曾穿雖然未必元豐物也

伴巾箱四十年
日亦今
賦日
發會
寒
飄然
未必
元豐
冰

秋燕

燕子啣泥颺曉風
錦堂茅舍任西東
一逢秋社都歸去
只似人生逆旅中

姚集侯陳默公趙以贊邀往慧山不果獨坐有感

曾同二妙蹠連錢
風雨蒲團夜坐禪
慚媿白頭猶健在
廿

年不到古清泉

廿年前風雨之夜曾同倪南蔭方井公入山訪元白和尚今三君俱物故矣

病中讀李石逋賞姚家紅梅水仙詩答之

燈前艷骨對冰肌
病榻呻吟託夢思
何似龍眠李居士
詩

中畫出畫中詩

懷汪西京

一葉江干把臂初
別來已是十年餘
思君名字威儀古
不

獨羞看漢後書

吳子儼移居

東郡趨庭果壯遊

甫自文登省覲歸

歸來卜築選清幽
不須更載

張華乘讀盡楊家萬卷樓

時自婦翁方少圍家來遷

明妃怨

誰把蛾眉寫失真
君王看罷不回瞋
畫圖早使單于見
猶

是昭陽殿裏人

便把琵琶馬上行
看來已勝尹和邢
安知延壽非忠主
不

許傾城冠掖庭

漢家貴主舊和親何况長門被棄人地下若逢景帝女塚

青草不回春

漢景帝五年始以女嫁匈奴

望幸圖為出塞圖玉關何必問歸途深宮咫尺猶霄壤萬

里胡沙贖得無

白詩黃金何日贖蛾眉

玉階香輦久生塵拚作闕氏第一人殺却畫師銷妾恨漢

宮胡地一般春

六宮粉黛滿仙班欲選如花尚爾艱外殿儘多延壽輩無

金安得見天顏

木犀集卷二十六

終

木犀集卷之二十七

詩餘

搗練子

古意

情脉脉恨茫茫玉釵敲碎不成粧綠楊閒煞鞦韆影馬上

誰家挾彈郎

如夢令

幾樹梨花開徧一任流鶯百轉翠袖拂嬌鬟瘦損黃金寶
釧人倦人倦撒落手中團扇

前調

睡起心情忒惡柳絮驀來簾幕幾度筭歸期恨煞欺人甘

鵲花落花落又被東風輕薄

前調

風送韶光如箭數盡慵鶯懶燕何處動歌喉牙板明珠一串春賤春賤落花紅滿庭院

前調

鏡裏朱顏頻易寫罷鸞牋誰寄分明夢見伊盼到黃昏不至歸未歸未依舊海棠孤睡

長相思

紅滿隄綠滿隄送盡行人去不歸何時聞馬嘶風淒淒雨淒淒歡在秦樓何處迷邊城多鼓鼙

前調

畫雙蛾蹙雙蛾螺黛無情淚點多教人喚奈何長短歌短長歌歌罷何人寄與他凭欄獨自哦

浣溪沙

家住橫塘西復西懶梳雲鬢出羅幃一聲杜宇淚雙垂芍藥欄邊羞粉黛鴛鴦塘上歛顰眉玉關人遠信音稀

菩薩蠻

欄干倚遍鞦韆珠翠香銷金鴨睡猶未新月照簾櫳牙床一半空淚珠長似線滴破胭脂面揉淚染成綃寄君紅戰袍

減字木蘭花

鴛鴦帳冷蟬鬢鸞釵羞不整玉齒櫻唇紫塞黃沙何處人
落花狼藉斷送繁華風雨夜悔覓封侯淚逐交河日夜
流

醜奴兒令

爐香裊篆燈生穗怕入空閨揭起羅幃繡被雙盤翡翠枝
今朝忘却當年話記得臨歧執手漣洏儂是盈盈十五
時

霜天曉角

落紅無語陣陣芭蕉雨一盞寒燈相伴影贈形吾與汝

夢到遼西堡邊塞多笳鼓醒來獨對長劍歡不來誰是主

阮郎歸

巧描新樣鬪花鈿粧成只自憐柳條如線絮如綿春深銷
日眠紅玉腕紫瓊箋相思密密傳疊成方勝斷還連憑
誰寄阿邊

浪淘沙

繡倦倚紅牕彈出清商真珠一串藕絲長忽見畫梁棲處
穩燕子雙雙女伴巧商量奕手當場鬪殘數子不成行
惱得心情無意緒獨凭牙牀

西江月

贈歌妓

葉底綿蠻報暖隴頭嗚咽悲秋輕籠慢撚總成愁譜盡曲
中紅豆春到櫻桃繡口香生檀板歌喉避人高唱對人
羞焉得朱顏如舊

南柯子 贈妓

冷淚紅潮暈柔腸碧藕絲垂楊不敵瘦腰肢最愛鴉頭羅
襪一鈎微薄醉霑香頰輕寒減帶圍風流水調解人稀
舞到柘枝纔罷玉郎歸

偷聲木蘭花 題王安節畫

霜楓遠近烘雲岫染得秋林堆錦繡月上疎桐送去斜
一線紅幽人獨坐孤亭晚何處虫聲吟未穩詩思如翫

不用青帘惡酒澆

鵲橋仙 七夕

金鍼綵縷銀河環珮天上佳期真否冉冉流雲度七襄日
勸汝一庭瓜酒羅裳半濕紗窗無語網得蛛絲盈手牛
郎若會巧於人爭不把今宵長久

南鄉子 憶舊

衫子剪銀泥柳似腰肢又似眉十斛明珠難得買嬌癡正
是羅敷未嫁時法曲慢彈絲春鎖歲華不自持夜靜空
階人影寂誰知暗祝蓮開並蒂枝

臨江仙 贈武陵陳坦山

荷芰衣裳青箬笠傲吏不解逢迎酒闌無夢到春明奚囊
嘔血盡陸橐使裝輕家在桃源洞口住炎寒覷破人情
舟西去采芳蘅閉門生計拙教子勝躬耕

鷓鴣天

旅夜
書懷

旅館難呼濁酒澆半生踪跡似萍飄腰肢總爲千人折髀
肉都因上馬消 襴衙刺范睢袍世情寒暖任周遭年年
佛火燒商陸只共山僧守寂寥

蝶戀花

美人
新浴

綺閣晝長人倦繡紈扇無風汗濕羅襦透雨灑梨花雲
岫綠香一朵輕蟬溜 曉露枝頭籠豆蔻浴罷蘭湯暗

多情寶脂粉重勻香罨袖風前越顯纖腰瘦

漁家傲

懷范小
范漳湖

八月漳湖湖水滿披裘未覺西風煖獨掉漁舟歌聲緩忘
著眼釣絲易被蘆芽縮 青箬綠蓑行處嬾柳瓢對月非
無伴水面鴛鴦風攪散誰拘管十年夜雨音書斷

釵頭鳳

春怨

指白水誓生死竟作天涯蕩子蛾眉嫩花腮暈鈿箏玉柱
擘擋春困悶悶悶 拋羅綺卸簪珥一任折腰齟齬春無
分誰人問蜂蝶不來粉黃都褪恨恨恨

青杏兒

金陵
弔古

屈送白門秋望不盡烟雨迷樓留得秦淮一帶水畫簾人
影朱欄花片付與東流 往事不勝愁說甚麼埋徑成丘
千古傷心誰得似新亭涕淚故壘蘆荻都鎖眉頭

行香子 題沈石田畫

踏徧寰瀛吞吐滄溟只消這一筆烘成微雲縹緲積翠縱
橫有數重山兩株樹半間亭 筆墨精靈絹素輕盈抵多
少石破天驚高人妙手真氣經營在眼中意意中景景中
情

千秋歲 壽丘母黃夫人

婺曜宣華壽母孰堪誇鍾禮備郝法嘉扶風大族婦

舊閨家將進酒堦前霜護耐寒花 佳兒富五車染翰

奇葩潘輿御雋箸加靈鳥毓丹穴名駒產渥洼待看取

鬢如霧縠如霞

風入松 懷汪瑤若山莊

寒氈曾藝講堂香歸來三徑淒涼廿年松菊親培護儘扶
筇曲閣迴廊半畝池塘菡萏一亭烟雨篔簹 陶韋詩句
柳文章疑處好思量瓦盆閒話桑麻徧劉家婢能讀靈光
酒債全憑阿弟書籤早付兒郎

金人捧露盤 壽慧山十洲和尚六十

問清泉曾幾載恁荒涼賴元公懸鼓西方拈椎豎拂天花

又下講臺傍條衣錫杖梅檀氣四衆聞香 喜夏臘周甲
子敲禪板坐經堂壽量品演說無疆耆年宿德人天皈仰
誦聲長趙州八十纔行脚正好徜徉

意難忘

送郡丞程崑崙先生
以左遷州守還里

才子爲郎奈簿書憔悴盜賊搶攘官貧喧馬樞學富飽雞
臆讒卽墨謗樂羊多謝好彈章喜今朝載車兼兩詩畫盈
囊 仕途嶮巇何常况多才賈誼未老馮唐選錢酬卧轍
無石壓歸航拋郡綬坐州堂這 君恩莫忘期他年建牙
開府重憩甘棠

滿江紅

青樓
卽事

細雨和風正鴛帳春眠天氣最愛他烏雲綠鬢橫郎左
思倚胸酥金扣紐要爬背癢銀軀膩試低聲喚醒玉人
還如醉 燈落燼雞揚翅青驄健芳魂悻把香肌玉腕等
閒拋棄帶露花枝衣怯冷隔城山寺鐘爭沸肯回鞭俛傍
錦衾中儂猶睡

滿庭芳

壽方雁
沙六卜

甫酌屠蘇又傳生菜觀燈金鼓頻搗長筵何處青門隱士
家報道東風纔徧賒三日火樹銀花霞觴泛年年此夜醉
到月西斜 少小才名盛秋翎漸倦且宿寒沙喜堦前龍
文鱗子蘭芽拚取青箱付與泥金到山路喧譁留片地尚

平事畢共我嘯烟霞

方居洋山之傍正月十二日初度

前調

祝程子先母夫人八十其尊公以孝行聞

伊水名家荷香仙裔孝行慈範齊徽蘭卜鳳早夢賜牙
緋記得當年舉案浣裙踰並舞斑衣寒窻下雞聲喔喔還
認舊羊機 彈指數十稔龐眉鳩杖獨坐霜幃喜今朝長
筵引滿成圍眼底兒孫三代芝蘭茁爭報春暉待進酒梅
花香雪羣唱崔南飛

御帶花

春郊卽事

紅牆十二朱樓敞人點壽陽梅額腰肢嫋嫋稱身裁淺
輕衫如昔燕老鶯慵嘆春光流水輕擲把鸞鏡斜窺側

花貌自憐惜

綠楊門外頻嘶馬寶勒金鞍是誰佳客

兒忙下玉簾鈎隔斷銀河千尺巧樣新妝無人道好情脉
脉眉山蹙暈頰微紅今夕是何夕

木蘭花慢

壽何胎墨母夫人七十

青山多紫氣有鳩杖出鸞幃美三戟相門六珈法服簇擁
斑衣留得昆明劫後看松陰鱗老漸成圍金馬蘭綺猶在
少微寶婺雙輝 望青溪八袞齊眉
謂蓉庵太翁八十借壽也 兩地競
春暉但江上狼烟長干馬矢不到柴扉書聲砢訇老屋待
他年取次拜牙緋泰岱瞻雲無恙虞淵夾日爭飛

風流子

贈李笠翁卜居秦注

西湖饒勝景携蓑笠偏愛秣陵烟是桓伊據牀青溪
獻之鼓楫桃葉舟邊移家至教坊喧姓字樂府按絲絃
就新詞涼州入破編成怪事稷下談天 霓裳奏三疊大
江南北盡把務頭傳喜得周郎回顧一串珠圓看香生歌
板雪兒高唱風飄舞袂絳樹爭妍家有歌妓十部琳瑯法曲說
甚延年

永遇樂

壽胡氏姊六十

六十年来多愁少喜雨倂風憊不省何年武夷人去便恁
眉痕皺燈分佛火香殘梵策總是獨眠時候猛思量翠盡
鈿消只有鏡臺依舊 自孤另東風料峭怕到傳柑節

及老眼瞪曹摩娑鐘磬但把如來繡六時禪 一爐烟燼

小問長宵永書口 願生人天極 是無量壽 正月廿六日初度

沁園春

為表身吳天况催粧時六月二十二日

寶馬初迎錦琴爭噪花燭芬敷恰雨餘新霽涼生翠袖月
逢既望光透流蘇梅里華宗桂林巨姓兩家門地本崔盧
畫堂上看蓮開並蒂燕引雙雛 秋風子夜懽娛况才子
佳人一室俱喜菱花露淨蘭膏漏永春藏綺閣香蕪金爐
京兆眉痕文通筆蕊取次纔臨第一圖早半月賺鵲橋先
渡姑殺黃姑

前調

豆店次壁上曹願菴學士錢爾斐字廉詩

馳逐輪蹄望門投店青帘影斜又風送殘陽櫪喧倦馬雲
推新月樹動栖鴉十丈黃塵三旬紅雨若是還轅也到家
聽說道來朝纔望闕子舍天涯帝絃八網無遮但爭似
兒曹日正賒怕擊碎胡琴子昂空返吟成春草居易誰誇
鄴下才人曹學士湘靈詩句錢孝廉眼底何曾見碧紗况區區
修名晬晚初入京華

附亡兒仁樹和詞

一入畿南花明驛路輕燕風斜喜聞闔雲開旁求臺

一和奉及正味自初才媿練邱年方入洛壯遊

思家須先打以安花看徧踏盡天涯 五重

卷之四